

YANGI O'ZBEKISTON ARMIYASI – MAMLAKAT TAYANCHI, XALQIMIZ FAXRI!



VATANPARVAR

Gazeta 1992-yilning
24-iyunidan chiqa
boshlagan

2025-yil 18-aprel
№16 (3130)

MILLIY ARMIYAMIZ YANGI O'ZBEKISTONNING MUSTAHKAM QALQONIDIR!

www.mv.vatanparvar.



*Menga
yering suyak,
Osmoning suyak.
Boqsam, teng
To'rttala
Tomoning suyak.
Tovonimga kirgan
Tikoning suyak –
Kaftdan
Zirapchang ham
Yulmay sevaman!*

M. YUSUF

MILLIY G'URUR

IJTIMOIIY-SIYOSIY, MA'NAVIY-MA'RIFIY, HARBIY-VATANPARVARLIK GAZETASI

t.me/mv_vatanparvar_uz
vatanparvar-bt@mail.uz
facebook.com/mudofaavazirligi



t.me/mudofaavazirligi
instagram.com/mudofaavazirligi
youtube.com/c/uzarmiya

Xalqaro hamkorlik

SAMARQAND SAMMITI G'OYALARI



Dilshod ARZIQULOV,
O'zbekiston Milliy universiteti
professori, psixologiya
fanlari doktori



Sharq gavhari hisoblanmish Samarqand shahrida o'tkazilgan "Markaziy Osiyo – Yevropa Ittifoqi" birinchi sammiti asosiy yo'nalishlarida hamkorlikni kuchaytirish masalalari muhokama qilindi. Mazkur tarixiy uchrashuvda Yevropa kengashi prezidenti Antoniu Koshta, Yevropa komissiyasi prezidenti Ursula fon der Lyayen va Markaziy Osiyo davlatlari – Qozog'iston, Qirg'iziston, Tojikiston, Turkmaniston va O'zbekiston rahbarlari ishtirok etdi.

Sammitda Yevropa Ittifoqi va Markaziy Osiyo o'rtasidagi savdo hajmi 54 milliard yevroga yetgani ta'kidlandi. Transkaspiy transport yo'lagi orqali aloqalarni mustahkamlash va raqamli infratuzilmani rivojlantirish masalalari muhokama qilindi. Qolaversa, Markaziy Osiyoda toza energiya manbalarini rivojlantirish va suv resurslarini boshqarish bo'yicha hamkorlik qilish rejalashtirildi.

Yevropa Ittifoqi Markaziy Osiyodagi muhim xomashyolarga bo'lgan ehtiyojini qondirish maqsadida hamkorlikni kuchaytirishni rejalashtirdi. Ya'ni strategik jihatdan muhim, lekin iqtisodiy jihatdan kamyob bo'lgan, muayyan sohalar uchun zarur bo'lgan xomashyolar bo'yicha savdo-sotiqni amalga oshirish ko'zda tutilgan.

Yevropa komissiyasi prezidenti Ursula fon der Lyayen ma'ruzasida **Markaziy Osiyo uchun 12 milliard yevrolik investitsiya paketini e'lon qildi.** Ushbu mablag'lar transport infratuzilmasi, muhim xomashyolar, energiya uzatish va raqamlashtirish kabi sohalariga yo'naltiriladi. Shuningdek, sammitda inson huquqlari va demokratik qadriyatlar ham muhokama qilindi. Huquqni himoya qilish organlari xodimlariga Yevropa Ittifoqini Markaziy Osiyodagi inson huquqlari masalalariga e'tibor qaratishga

chaqirdilar. Umuman olganda, ushbu sammit Yevropa Ittifoqi va Markaziy Osiyo davlatlari o'rtasidagi hamkorlikni yangi bosqichga olib chiqishga qaratilgan muhim qadam bo'ldi.

Mazkur tadbirda davlatimiz rahbari Shavkat Mirziyoyev tomonidan bir nechta muhim yo'nalish va jabhalarga alohida e'tibor qaratildi. Jumladan, tinchlik va xavfsizlik masalalari bo'yicha Markaziy Osiyoda barqarorlik va xavfsizlikni ta'minlash muhimligi ta'kidlandi. Afg'onistondagi vaziyat mintaqaviy xavfsizlik bilan bog'liq ekani, unga bee'tibor bo'lmaslik kerakligi aytiladi. Iqtisodiy hamkorlikni rivojlantirish bo'yicha Yevropa Ittifoqi bilan savdo-iqtisodiy aloqalarni kengaytirish taklif qilindi. Infratuzilma va logistika, jumladan Transkaspiy xalqaro transport yo'lagiga e'tibor qaratildi. Xususan, yoshlar bilan ishlash, ta'lim sohasidagi hamkorlik va kadrlar tayyorlash muhimligi alohida qayd etildi. Yevropaning ilg'or tajribasini o'rganish va tatbiq etishga e'tibor qaratildi. Qurg'oqchilik va suv tanqisligiga qarshi kurashishda qo'shma chora-tadbirlarni amalga oshirish taklif etildi. Orol dengizi muammosi butun mintaqaga uchun muhim ekani va xalqaro yordam zarurligi ta'kidlandi.

Anjumanda Yevropa Ittifoqi bilan siyosiy muloqotni yanada chuqurlashtirish, umumiy

yondashuvlar asosida hamkorlikni kuchaytirish lozimligi aytiladi.

INSON HUQUQLARI, qonun ustuvorligi va boshqaruv sifatini oshirish bo'yicha tajriba almashish masalalari ko'tarildi. "Markaziy Osiyo – Yevropa Ittifoqi" birinchi sammitida juda muhim geosiyosiy voqea bo'lib, nafaqat mintaqaviy, balki xalqaro hamkorlikda yangi bosqichni belgiladi. Mazkur sammitdan ko'zlangan maqsad vazifalar va kutilayotgan natijalar qanday bo'ladi yoki mazkur sammitdan Markaziy Osiyo davlatlari bilan Yevropa Ittifoqining asosiy maqsadi nima, degan savol tug'ilishi tabiiy. **Birinchi**dan, Markaziy Osiyo davlatlari bilan Yevropa Ittifoqi o'rtasidagi munosabatlar institutsional darajaga olib chiqiladi. **Ikkinchi**dan, strategik muloqotni mustahkamlash, barqaror taraqqiyot, xavfsizlik, savdo va transport sohalarida hamkorlik chuqurlashadi. **Uchinchi**dan, Yevropa Ittifoqining mintaqaga bo'lgan siyosiy va iqtisodiy e'tibori oshadi.

Yevropa Ittifoqi Markaziy Osiyoning eng yirik savdo hamkorlaridan biri. Sammitda savdo hajmini oshirish, logistika yo'nalishlarini rivojlantirish, investitsiyalarni jalb etish kabi masalalar muhokama qilindi. Transport va logistika masalasida "Transkaspiy xalqaro transport yo'lagi"ni rivojlantirish orqali Yevropa va Osiyoni bog'lovchi alternativ yo'nalishni mustahkamlashga e'tibor qaratildi. Energetika va "yashil" iqtisodiyot yuzasidan quyosh va shamol energiyasi, gidroenergetika sohasidagi loyihalarni amalga oshirish, iqlim o'zgarishiga qarshi qo'shma choralar, Orol dengizi fojiasi kabi mintaqaviy ekologik

muammolarga yechim topish masalalari muhokamalar markazida bo'ldi.

Inson kapitalini rivojlantirishga oid ta'lim, ilm-fan, yoshlar siyosati, kadrlar tayyorlash sohasida Yel tajribasidan foydalanish, xavfsizlik va barqarorlikka doir Afg'onistondagi vaziyat, terrorizm va transmilliy xavf-xatarlarga qarshi hamkorlik qilish mavzulari ham e'tibordan chetda qolmadi. **Mazkur sammit natijasida Yevropa Ittifoqi va Markaziy Osiyo davlatlari o'rtasidagi munosabatlar yangi strategik bosqichga ko'tarildi.** Shuningdek, mintaqada iqtisodiy o'sishga turtki beradigan yangi infratuzilma loyihalari amalga oshirilishi, "yashil" iqtisodiyot va ekologik muvozanatni ta'minlash sohasida xalqaro loyihalar ishga tushirilishiga ta'lim va kadrlar sohasida Yevropa bilan aloqalar kuchayib, yuqori malakali kadrlar tayyorlash hamda mintaqada xavfsizlikni ta'minlash bo'yicha yangi mexanizmlar joriy etilishiga xizmat qiladi.

USHBU SAMMITNING O'ZBEKISTON UCHUN AHAMIYATI:

Yevropa Ittifoqi bilan to'g'ridan to'g'ri strategik muloqot imkoniyati oshadi va savdo-iqtisodiy sohada yangi bozorlar ochiladi hamda energetika va ekologik loyihalarda Yevropa bilan hamkorlik kengayadi, ta'lim va texnologiyalar sohasida loyihalar jalb etiladi. Markaziy Osiyo uchun esa mintaqaviy integratsiyani kuchaytirish orqali mintaqada xavfsizlik, barqarorlik va iqtisodiy rivojlanishga yangi imkoniyatlar yaratilishi hamda tashqi siyosatda muvozanatli va ko'p tomonlama hamkorlikni shakllantirishga keng imkoniyatlar ochib berishi bilan ahamiyatli.

Vazir va yoshlar uchrashuvi

BIR UMRGA YETADIGAN INTIZOM

O'ZBEKISTON RESPUBLIKASI MUDOFAA VAZIRI GENERAL-MAYOR SHUXRAT XALMUXAMEDOV SHIMOLI-G'ARBIY HARBIY OKRUGGA QARASHLI NUKUS GARNIZONIDAGI HARBIY QISMLARGA MUDDATLI HARBIY XIZMATNI O'TASH UCHUN KELGAN YIGITLAR BILAN SUHBATLASHDI.



“Yangi O'zbekiston armiyasi mamlakat qudrati, yuksak g'urur va sadoqat timsolidir!” shiori ostida o'tgan “Vazir va yoshlar uchrashuvi”da Respublika Ma'naviyat va ma'rifat markazi rahbari, siyosiy fanlar doktori Otabek Hasanov, Qoraqalpog'iston Respublikasi Vazirlar Kengashi raisi Farhod Ermanov qatnashdi.

Vatanni himoya qilishni maqsad qilgan elimizning zabardast o'g'lonlari uchun bunday uchrashuv kelgusi hayotga katta motivatsiya berib, yuksak marralarni zabt etishga undaydi.

Nukus garnizoni ma'naviyat va ma'rifat markazining tantanalar zalida samimiy suhbat tarzida o'tgan uchrashuvda mudofaa vaziri ma'nan va jismonan kamolga yetgan yoshlarga kelajagi uchun kerak bo'ladigan pand-u nasihatlar berib, Vatani himoyachisi bo'lishdek mas'uliyatli vazifa hammaga ham nasib etavermasligini ta'kidladi. Bugun Qurolli Kuchlarimiz saflarini to'ldirgan mana shunday zabardast yigitlar bilan birga xizmat qilayotganidan g'ururlanishini e'tirof etdi.

“Armiya saflari bu, birinchi navbatda, har bir yigitni hayotga tayyorlaydigan, tarbiyalaydigan katta maktabdir. Muddatli harbiy xizmatni o'tagan har bir yigit hayot maktabini o'taydi. Shu bois hayotda uchraydigan mashaqqatlarni yengib o'tishda ularda kuchli iroda, matonat shakllangan bo'ladi”, dedi vazir.

O'zbekiston Respublikasi Qurolli Kuchlarida so'nggi yillarda olib

borilgan islohotlar armiyaning qiyofasini butkul yangilab, harbiy xizmat nufuzini oshirib, yurt himoyachilari va oila a'zolarining ijtimoiy himoyasiga bo'lgan e'tibor ko'lamini kengaytgan tadbir davomida qayd etildi.

“Muhtaram Prezidentimiz tashabbusi bilan 2017-yildan boshlab mamlakatimiz Mudofaa vazirligi qo'shinlarida yangi davr boshlandi. Olib borilgan tub islohotlar boshqaruv tizimidan boshlab jangovar va ma'naviy-ma'rifiy tayyorgarliklar, bo'linmalarining tashkiliy-shtat tuzilmasi butkul yangilandi. Qo'shinlarni zamonaviy qurol-aslaha va harbiy texnikalar bilan butlash ishlari jadal olib borilishi natijasida bugun Qurolli Kuchlarning jangovar qudrati sezilarli darajada oshirilishiga erishildi. Bugun milliy armiyamiz zamonaviy xavf va tahdidlarga javob bera oladigan, asosiysi, mamlakatimiz hududiy daxlsizligi, uning xavfsizligi va xalqimizni tinch hayot bilan ta'minlaydigan katta kuchga aylanganini ta'kidlash joiz”, deya e'tirof etdi general-mayor Shuxrat Xalmuxamedov.

Respublika Ma'naviyat va ma'rifat markazi rahbari Otabek Hasanov har birimiz to'mirimizda Amir Temur, Jaloliddin Manguberdi, Boburdek ajdodlarning muqaddas qoni oqib turganini, shunday buyuk insonlarning jasorati va matonati biz uchun o'rnak sifatida qadrlanishi kerakligini uqtirdi.

“Men kadrlar organida faoliyat yuritganimda bir yillik harbiy

xizmatdan so'ng oliygohlarda o'qib, davlat idoralarida ishlaydigan yurtdoshlarimizning kasbiy o'sishi armiyaga bormaganlarga nisbatan ikki barobar baland bo'lishini sezdim. Buning sababini bilish uchun mutaxassislariga murojaat qildim. Ulardan “Bir yillik armiya bir umrga yetadigan tartib-intizomni o'rgatadi”, degan javobni oldim. Zero armiyaga borgan yigit kelgusi mashaqqatlar oldida hech qachon nolimaydi, chunki u irodali, oq-qorani tanigan, qiyinchiliklarni ko'rgan-da. Shuning uchun ham armiyaga borganlarga jamiyatimizda ham, yuqori rahbariyat tomonidan ham boshqacha nazar bilan qaraladi”, dedi o'z nutqida Otabek Hasanov.

Erkin ruhda o'tgan uchrashuv davomida muddatli harbiy xizmatchilar mudofaa vaziri va mehmonlarga murojaat qilib, o'zlarini qiziqtirgan savollarga batafsil javoblar oldi. Yigitlar bugun yurtimizning eng sara o'g'lonlari qatorida xizmat qilayotganidan qalblari g'urur va iftixor tuyg'ulariga to'lib-toshayotganini e'tirof etdi.

Uchrashuv davomida Respublika Ma'naviyat va ma'rifat markazi hamda Mudofaa vazirligi bilan hamkorlikda Amir Temur bobomizning qiyofasi sun'iy intellekt yordamida yaratilgan videorolikning ilk premyerasi namoyish etildi.

Hayot maktabida toblanish uchun kelgan yoshlar bilan mudofaa vazirining suhbat samimiy ruhda, erkin muloqot va yuqori kayfiyatda o'tdi. Harbiy hayot yo'li boy tajribadan iborat bo'lgan vazirning nutqi ibrat maktabini o'tagan yoshlar uchun kelajakda komil inson bo'lib,

mamlakatimiz taraqqiyotiga o'z ulushini qo'shishga chorladi. Kasb-hunar o'rganishga, qaysi sohada bo'lmasin, o'z ishining mohir ustasi darajasigacha ko'tarilishga ruhlantirdi. Yurtimiz obodligi, kelajagi uchun mas'uliyat bilan yondashishga, buguni va ertasi uchun jonkuyar, fidoyi bo'lishga undadi. Xalq va davlat manfaatlari yo'lida g'ayrat qilishga, o'qib izlanishlariga, taraqqiyotimizga hissa qo'shishlariga, yuksak marralarni zabt etishlariga ishonch bildirildi. Bugun Yangi O'zbekistonni barpo etayotgan mehnatkash xalqimiz, Prezidentimizga yelkadosh bo'lish, mamlakatimiz farovonligi yo'lida xizmat qilish eng oliy sharaf ekani ta'kidlandi. Qasamyodiga sodiq qolish, doim yurt taqdiri uchun yonib yashash kerakligi uqtirildi.

Suhbat asnosida muddatli harbiy xizmatchilar o'rtasida kitobxonlikni rivojlantirish, ularda mutolaa madaniyatini yuksaltirish maqsadida Respublika Ma'naviyat va ma'rifat markazi tomonidan harbiy qismga intellektual salohiyatni oshiradigan 100 ta kitob taqdim etilishi hamda har yili askarlar o'rtasida kitobxonlik tanlovi o'tkazilishi haqidagi xabar muddatli harbiy xizmatchilarni quvontirdi.

**Podpolkovnik
Timur NARZIYEV,
Shimoli-g'arbiy harbiy okrug
matbuot xizmati boshlig'i**

O'quv-uslubiy yig'in



Komandir – u boshqaruv ko'nikmasiga ega, qo'l ostidagilarining jismoniy va aqliy salohiyatini oshirish, doimo jangovar shay holda bo'lishini ta'minlashi zarur. Chunki zamon shuni talab qilyapti. Demak, yetakchi professional bo'lishi kerak. Ana shunda bo'ysunuvchilari ham unga ergashadi va ishonadi. Berilgan vazifalar tezkor va bekam-u ko'st bajariladi.

YETAKCHI PROFESSIONAL



Toshkent harbiy okrugidagi "Chirchiq" dala-o'quv maydonida Mudofaa vazirligi qo'shinlarida xizmat qilib kelayotgan jangovar tayyorgarlikka mas'ul ofitserlar va ularning o'rinbosarlari ishtirokida o'tkazilgan o'quv-uslubiy yig'inda ham ushbu fikrlar alohida ta'kidlandi.

Bir necha kun davom etgan mazkur yig'in nazariy va amaliy tarzda olib borildi. Har bir jarayon ishtirokchilar uchun muhim ahamiyat kasb etdi. Zamonaviy bilimlar chuqur tahlil etildi. Mintaqa va jahonda yuz berayotgan harbiy-siyosiy vaziyatdan kelib chiqib, amaliy mashg'ulotlarni tashkil etish zarurligi misollarda keltirib o'tildi.

Yig'inda mudofaa vaziri general-mayor Shuxrat Xalmuxamedov ham qatnashib, so'nggi yillarda davlatimiz rahbari, Qurolli Kuchlar Oliy Bosh Qo'mondoni tomonidan barcha sohalar singari milliy armiyamizning

jangovar qudratini yanada oshirish, saflardagi harbiy xizmatchilar uchun qulay shart-sharoitlar yaratishga alohida e'tibor qaratib kelinayotganini e'tirof etdi.

– Yig'inning ahamiyatli jihati komandirlar va ularning o'rinbosarlariga jangovar tayyorgarlik borasida faqat nazariy ma'lumotlar berib qolinmay, o'quv savollari amaliy tarzda ham ko'rsatildi va muhokama qilindi, – deydi podpolkovnik Ortiqjon Atayarov. – Shuningdek, o'quv-uslubiy yig'in davomida uzoq masofaga marsh yurish, mudofaa va hujumda to'qnashuv jangi yuzaga kelganda guruhning vazifalari birgalikda ko'rib chiqildi. Qolaversa, komandirlarning bunday vaziyatlarda bo'linmani boshqarishi va o't ochish manyovrlari-yu bo'linmalar bilan hamkorlikda harakatlanish kabi jihatlar ham amaliy tarzda namoyish etildi. Aytish kerakki, jangovar tayyorgarlikda





BO'LSHI KERAK



turli zamonaviy qurollardan oqilona foydalanish orqali belgilangan nishonlar o'ta aniqlikda yakson etiladi. Yig'in davomida ham ayni jihatlar alohida e'tibor qaratildi.

Taktik tayyorgarlik, qo'shinlarni mohirona boshqarishda komandirlarning salohiyati, shaxsiy tarkibning axloqiy-ruhiy sifatlarini mustahkamlash, qurolli to'qnashuvlarning qiyosiy tahlili, shuningdek jang olib borishning zamonaviy usullarini o'rganish va eng maqbullarini qo'shinlarda joriy etish... bular keng qamrovli o'quv-uslubiy yig'indan ko'zlangan asosiy maqsadlardan etib belgilab olindi.

– Shaxsiy tarkibning jangovar shayligi, qo'yilgan topshiriqni qay darajada uddalay olishi... albatta, bu jangovar tayyorgarlikka mas'ul vakillarning nechog'li o'z kasbining ustasi ekaniga, bilimli va vaziyatni to'g'ri baholay olish qobiliyatiga bog'liq. – deydi podpolkovnik Oybek Qosimov. – Shu sabab ham uslubiy yig'inda ishtirokchilarning qo'l ostidagi bo'ysunuvchilari bilan amaliy mashg'ulotlarni bugungi kun talablariga mos tarzda tashkil etish, qurol-aslahalar-u harbiy texnikalardan foydalanish kabi masalalarni o'zida jamlagan o'quv savollari yetakchi mutaxassislar bilan birgalikda ko'rib chiqildi.

O'quv-uslubiy yig'in ishtirokchilari qo'shinlarda shaxsiy tarkib bilan o'quv yili davomida jangovar tayyorgarlikni tashkillashtirishning barcha yo'nalishlari bo'yicha bilim va ko'nikmalarini yanada oshirdi, yangi yondashuv va uslublarni o'rgandi.

Belgilangan topshiriqni bajarish uchun harbiy xizmatchilarga puxta bilim-u iroda va mahorat kerak. Boshqa o'quv joyida zirhli jangovar texnikalarni boshqarish, ekipaj a'zolarining vazifalarini bajarishi borasidagi harakatlari ham ko'rgazmali tarzda namoyish etildi.

Yig'in rejasidan joy olgan o'quvlar nafaqat kunduzgi sharoitlarda, balki tungi, ko'rish imkoniyati cheklangan vaziyatlarda ham olib borildi.

Qisqasi, qo'shinlar istalgan daqiqada o'z oldiga qo'yilgan vazifalarni bajarishga qodir bo'lishi kerak. Buning uchun har bir harbiy xizmatchi jangovar tayyorgarlik bo'yicha muntazam shug'ullanishi, o'z yo'nalishidan kelib chiqqan holda bilim egallashi orqali haqiqiy professional kadr bo'lib shakllanadi. Yetakchi esa ularning o'ziga bo'lgan ishonchini oshiradi. Yig'inning bosh maqsadi esa jangovar tayyorgarlikka mas'ullarning mas'uliyatini yanada oshirishdan iborat. Va shunday ham bo'ldi. Natijalar ko'p kuttirmay, o'z samarasini beradi albatta.

Kapitan Shohrux SAIDOV,
“Vatanparvar”



Jangovar shaylik omili

Mavsumga tayyorgarlik avj pallada

Shimoli-g'arbiy harbiy okrugning Nukus garnizonidagi harbiy qism va muassasalarda har bir texnika uchun rejali topshiriqlar asosida ish reglamenti tuzilib, texnik xizmat hamda joriy ta'mir ishlari o'tkazilmoqda.

mahsulotlari yangisiga o'zgartiriladi, elektr va aloqa jihozlarining sozligi nazoratdan o'tkaziladi. Xaritasiga asosan, agregat va tugunlar moylanadi, to'g'rilash, rostdlash, payvandlash hamda bo'yoqlash ishlari amalga oshiriladi.

jihozlar, yong'in o'chirish tizimlari texnik ko'rikdan o'tkazilib, ularga xizmat ko'rsatiladi.

Texnik xizmat ko'rsatish ishlari malakali mutaxassislar nazorati ostida tashkil etiladi. Qisqasi,



Har bir komandir, harbiy xizmatchi birinchi o'rinda o'ziga birlashtirilgan qurol-yarog' va harbiy texnikaning soz va shayligi uchun mas'ul hisoblanadi. Shu bois harbiy texnika va qurol-aslahalarni mavsumiy foydalanish rejimiga o'tkazish tadbirlariga o'ta mas'uliyat bilan qaraladi.

Ushbu tadbirlarni bajarishda texnologik xaritalarga ko'ra, harbiy qismlardagi texnikalarda sovutish suyuqliklari almashtiriladi, har bir jangovar mashina agregat va tugunlari tekshiriladi, yonilg'i, havo va moy tozalash filtrlarini almashtirish ishlari o'tkaziladi. Yonilg'i-moylash

Shuningdek, mavsumiy texnik xizmat ko'rsatish ishlari yakunida mashinalarning zaxira anjomlariga ham texnik xizmat ko'rsatilib, ta'mirlanadi.

Qurol-aslahalar, kunduzgi va tungi optik mo'ljalga olish va kuzatish moslamalari, aloqa vositalari, maxsus

har bir harbiy xizmatchi o'ziga birlashtirilgan vazifalarni mas'uliyat bilan bajarmoqda. Maqsad yurt tinchligini munosib ta'minlashdan iborat.

**Podpolkovnik
Timur NARZIYEV**

Harbiy texnika ishonchli qo'llarda

Sharqiy harbiy okrug tasarrufidagi Farg'ona garnizonida joylashgan mazkur harbiy qismning asosiy yo'nalishlaridan biri harbiy texnika va qurol-aslahalarga texnik xizmat ko'rsatish va ularni ta'mirlash hisoblanadi. Harbiy texnikalarning uzluksiz va har doim jangovar shay holatda bo'lishi uchun mutaxassislar belgilangan tartibga ko'ra, rejalashtirilgan ta'mirlash ishlari va texnika vositalarini zarur ehtiyoq qismlar bilan ta'minlash jarayonlarini bajarib kelmoqda.

Yana bir jihat: bu yerda xizmat qilayotgan yosh mutaxassislar "Ustoz-shogird" an'analari asosida ish olib boradi. Katta tajribaga ega mutaxassislar o'z bilim va ko'nikmalarini yosh xizmatchilarga o'rgatib, ularni o'z ishiga mas'uliyat bilan yondashishga undaydi.

Harbiy qismda texnik nosozliklarni bartaraf etayotgan Vatan himoyachilarining ish jarayonini kuzatar ekanmiz, bir harbiy xizmatchi e'tiborimizni

– Bu ishga avvaliga oddiy mashg'ulot sifatida qaragan edim. Harbiy texnikaga bo'lgan qiziqishim menga kichik ko'rinishdagi tank va boshqa texnika modellarini yasashga ilhom berdi. Asta-sekin bu mashg'ulot hayotimning bir bo'lagiga aylandi, – deydi kichik serjant Asqarali Sotvoldiyev.

Uning aytishicha, har bir model oddiy buyum emas, balki o'ziga xos xotira, xizmatdagi voqealarning timsoli. U yasalgan maketlar orqali



Texnik xizmat ko'rsatish ikki yo'nalishda – joyida, ya'ni harbiy qismda tashkil etilgan ustaxonalarda hamda ko'chma (*mobil*) usulda, ya'ni guruhning harbiy texnika joylashgan hududga borib xizmat ko'rsatishi shaklida amalga oshiriladi. Bu tartib texnik vositalarning har qanday sharoitda uzluksiz ishlashini ta'minlamoqda. Harbiy qismda maxsus ta'mirlash xonalari va zamonaviy texnika bilan jihozlangan servis bazalari mavjud.

Ayni kunlarda okrugga qarashli harbiy qism va muassasalarda qurol-aslahalar hamda harbiy texnikalarni yozgi mavsumga o'tkazish bo'yicha

rejalashtirilgan tadbirlar jadallik bilan olib borilmoqda. Malakali mutaxassislar tomonidan qurol va texnikalarning holati chuqur o'rganilib, mavsumiy xizmat ko'rsatish ishlari professional darajada amalga oshirilmoqda.

Harbiy xizmatchilar zamonaviy texnologiyalar va diagnostika vositalaridan foydalangan holda texnik nosozliklarni bartaraf etmoqda. Texnik xizmat ko'rsatish jarayonida har bir mashina, har bir tizim alohida professional mexaniklar, elektromontyorlar, ta'mirlovchilar hamda texnik muhandislar tomonidan e'tibor bilan ko'rib chiqiladi.

tortdi. U kichik serjant Asqarali Sotvoldiyev edi. 2004-yildan buyon ushbu harbiy qismda xizmat qilib kelayotgan bu yigit – tokar, ya'ni metallni qayta ishlash, kesish va shakl berish sohasida o'z ishining ustasi. Uning bu boradagi bilim va ko'nikmalari faqat xizmat doirasidagina emas, balki san'at darajasigacha ko'tarilgani mashg'ulotlarda ham namoyon bo'lmoqda. U bo'sh vaqtlarida xizmat davomida yig'ilgan turli temir-tersak va metall qoldiqlaridan jangovar texnika modellarini yasash bilan ham shug'ullanar ekan.

harbiy xizmatga bo'lgan hurmatini ifoda etadi. Hozirga qadar bir necha texnika modellarini yaratishga ulgurgan va ularning ba'zilari hatto esdalik sovg'asi sifatida buyurtma asosida tayyorlanmoqda.

Qahramonimiz tomonidan mohirlik bilan tayyorlangan maketlar nafaqat o'ziga xos bezak, balki yosh harbiy xizmatchilar uchun ham harbiy texnikalarga bo'lgan mehrni oshiruvchi vositaga aylanmoqda.

**Leytenant
Mirjalol ABDUJABBOROV,
Sharqiy harbiy okrug
matbuot xizmati katta ofitseri**

Chegara qo'shinlarida



NAZARIY BILIMLAR AMALIYOTDA MUSTAHKAMLANDI

Bugun mamlakatimizda hukm surayotgan tinchlik va osoyishtalik, xalqimizning osuda hayotini ta'minlash, el koriga kamarbasta bo'lib kelayotgan harbiylarimizning mashaqqatli xizmati evaziga ekanini barchamiz yaxshi bilamiz.

yetkazilgach, qatnashchilar yakka va guruh tarkibida bir-birlarini har tomonlama qo'llab-quvvatlagan holda belgilangan topshiriqlarni ado etdi.

– Ma'lumki, har qanday mashg'ulotni o'tkazish uchun eng, avvalo tashkiliy ishlar to'g'ri yo'lga qo'yilgan bo'lishi kerak. Bu gal ham ana shu talablar e'tiborga olinib, barcha o'quv nuqtalarida

kabi bir qator mashqlarni bajardi. Jarayonlarda yigitlar o'zlaridagi chaqqonlik, tezkorlik va jamoaviy jipslikni namoyon etish bilan birga, mustahkam iroda sohibi ekanini ham amalda isbotladi.

– Bugun o'zimni haqiqiy chegarachidek his qildim. Xizmat itlari bilan birga shartli chegara buzg'unchisini qo'lga oldik.



Zero jahon va mintaqamizdagi harbiy-siyosiy vaziyat Qurolli Kuchlarimiz oldiga qo'yilayotgan vazifalar ko'lamini yanada kengaytirib, milliy armiyamiz saflarini har tomonlama barkamol, zamonaviy bilim va ko'nikmalarni puxta egallagan, dunyoqarashi keng, asl vatanparvar o'g'lonlar bilan butlash talablarini qo'ymoqda.

“Chaqiruv – 2025” tadbirlari doirasida Davlat xavfsizlik xizmati Chegara qo'shinlariga qarashli o'quv punktlarida askarlar qisqa vaqt mobaynida tajribali ofitser va serjantlarning sa'y-harakatlari bilan harbiy kasbning sir-asrorlarini o'rganib, dastlabki bilim va ko'nikmalarini shakllantirib kelmoqda.

Ma'lumki, har qanday nazariy bilim amaliyotda mustahkamlansagina ko'zlangan natijaga erishiladi. Ayni shu maqsadda, askarlar bilan Davlat chegarasi qo'riqlovini tashkillashtirishda e'tibor qaratilishi lozim bo'lgan ko'plab jihatlarni o'zida qamrab olgan mashg'ulotlar tashkillashtirildi.

Xususan, Termiz shahrida joylashgan o'quv punktida bo'lib o'tgan mashg'ulotlar davomida muddatli harbiy xizmatchilar Davlat chegarasini buzib o'tgan shartli qurolli guruhlar va noqonuniy o'tishga uringan chegara buzg'unchilarini qo'lga olish bo'yicha amaliy harakatlarni muvaffaqiyatli bajardilar.

Dastlab, mas'ullar tomonidan mashg'ulotning maqsad va vazifalari

zarur shart-sharoit va qulayliklar yaratildi. Albatta, amaliy mashqlar nazariylaridan katta farq qiladi. Shu boisdan real vaziyatlarga yaqinlashtirilgan mashg'ulotlarda davomchilarimizga bunday vaqtda to'g'ri qaror qabul qilish nechog'li muhim ekanini tushuntirib berishga harakat qildik, – deydi podpolkovnik Ulug'bek Oripov.

Shu kabi amaliy mashg'ulotlar Toshkent viloyatining Bekobod shahri, Bo'stonliq va Zangiota tumanlarida joylashgan o'quv punktlarida, qolaversa Qoraqalpog'iston Respublikasining “Nukus” dala-o'quv maydonida ham tashkil etildi.

Askarlar ommaviy qirg'in qurollaridan himoyalaniish, belgilangan to'siqlardan o'tish

Zararlangan hududdan gazniqob bilan o'tdik. Bu jarayonlar xuddi bir vaqtlar kinolarda ko'rganimdek taassurot uyg'otdi. Ammo bularning barchasini bajarish filmlardagidek oson emas ekan. Katta kuch, iroda va matonatni talab qilarkan. Buni uddalaganimizdan juda ham xursandman, – deydi muddatli harbiy xizmatchi Ibrohim Rahmonov.

Ha, tez kunlarda Vatanga qasamyod qabul qilib, sarhadlarimiz himoyasiga kirishadigan bu o'g'lonlarimizga ayni damda egallayotgan nazariy bilim va amaliy ko'nikmalari kelgusidagi xizmat faoliyatida qo'l keladi, albatta.

Mayor Farida BOBOJONOVA
DXX Chegara qo'shinlari

AHMAD NAYIM

O‘QOY

kitob bor edi. U menga bu kitobni o‘zbek tiliga o‘girishi kerakligi, unda o‘zining nomi ham ikki bor tilga olinganligini aytgan edi. Lekin ushbu xayrli maqsad hosil bo‘lgan yoki bo‘lmaganligidan xabarim yo‘q degandi”.

BUXOROGA QAYTISH

Hoji Abdulkarimboy uch marta haj safarida bo‘ladi. Savdo-sotiq ishlari bilan Istanbulga tez-tez boradi. Bu safarlarda u albatta farzandlarining ahvolidan xabar olib turgan. Fransuz tili o‘qituvchisi bilan murosaga kelolmay qolgan Halim Ashurovni otasi 1914-yilda Buxoroga olib qaytadi. Ko‘p o‘tmay, Ahmad Nayim ham Buxoroga keladi.

1914-yilda Buxoroga qaytgan A. Nayim yoshligiga qaramay, jadidchilik harakati namoyandalari yaqinlashadi. Ehtimol, u Istanbulda turganida bu shaharga o‘qish uchun borgan Fitrat, Usmonxo‘ja, Hamidxo‘ja Mehri, Otaxo‘ja, Mazhar Mahzum, Burxon Mahzum kabilar bilan Turkiyadayoq yaqin aloqada bo‘lgan. **“Buxoro maorifini umumlashtiruvchi xayriya jamiyati”**ning bir bo‘limi Istanbulda ham ochilgan bo‘lib, 1909–1913-yillar davomida ko‘p yoshlar u yerda tahsil olib qaytdi. 1911-yilda 15 ta, 1912-yilda 30 ga yaqin o‘quvchi ushbu shaharda tahsil olish uchun yuborilgan edi.

Buxorolik yoshlarning birinchi guruhi Istanbulga borishidan ikki yil oldin (1907-yilda) bu shaharga yetib kelgan A. Nayim aytish mumkinki, tez kechayotgan siyosiy jarayonlarni bolaligidanoq his qilgan.

OH, OTA YURTIMIZ, JONAJON VATAN!

Ahmad Nayim 1914–1917-yillarda Buxoro amirligidagi ko‘pgina siyosiy voqealar guvohi va ishtirokchisi bo‘lgan. Amirlikdagi islohotchilik harakati, jadidlarning ilg‘or so‘l qanoti (islohot tarafdorlari) bilan o‘ng qanoti (konservatorlar) o‘rtasidagi kurash, Said Olimxonning 1917-yilning aprelidagi manifesti kabilar A. Nayim ongining shakllanishiga juda katta ta‘sir ko‘rsatadi. U Abdurauf Fitrat, Usmon Xo‘ja, Abduvohid Burxon kabilar bilan maslakdosh bo‘lgan.

A. Nayim 1917-yilning aprelidagi amir manifestini yoqlab, Buxoro jadidlari uyushtirgan, oxir-oqibatda qonli to‘qnashuvlar bilan tugallangan namoyishda ham ishtirok etgan. A. Nayimning eslashicha, jadidlar “Zinda bosh amiri Buxoro!” (“Yashasin, Buxoro amiri!”), “Ozodlik!”, “Tenglik!”, “Adolat!” shiorlari bilan namoyishga chiqishgan.

Ular: **“Oh, ota yurtimiz, jonajon Vatan! Bo‘l bugun xursand va quvnoq!”** kabi misralar bilan boshlanadigan qo‘shiqni aytib amir qarorgohi Arkka qarab borgan. Namoyishchilarning yoshlardan iborat guruhini endigina 17 yoshga to‘lgan Ahmad Nayim boshqargan. U AQShlik professor E. Ollvort bilan suhbatida namoyishchilarning

(Turkmanistondagi shahar) shahridan bo‘lib, turkmanlarning ersara (ersaroyli) urug‘idan bo‘lgan. Ona tomonidan tub buxorolik edi.

ILK SAFAR. ISTANBULDA 7 YIL

Ahmad Nayim yetti yoshiga qadar Buxoroda yashaydi. 1907-yilda onasi vafot etganidan so‘ng amakisi bilan birga Qo‘qon va Toshkent orqali Chimkentga o‘tadi. Bu yerda qisqa vaqt yashagan aka-uka Halim va Nayim 1907-yilda tijoratchi amakisi bilan birga Turkiyaga ko‘chadi. Istanbulga borib qolgan aka-ukalar 1907–1914-yillarda ibtidoiy (boshlang‘ich) maktabda, litseyda, “Idadi” deb ataladigan o‘smirlar ta‘lim maskanida o‘qiydi. Bu davrda amakisi Istanbul orqali Misrga Buxoro mollarini yetkazib berib, savdo-sotiq ishlari bilan mashg‘ul bo‘ladi. 1914-yilda boshlangan Birinchi jahon urushi natijasida savdo-sotiq rivojiga putur yetadi. Iqtisodiy ahvoli og‘irlashishiga qaramay, aka-ukalar, amakilari yordamida fransuz tilini o‘rgatadigan turk muallimidan saboq oladilar.

TALABALAR HOMIYSI

Ahmad Nayim Turkiyada tahsil olgan yillar bu mamlakatda “yosh turklar” hukumati ta‘sirida ilg‘or islohotchilik va ma‘rifatchilik g‘oyalari keng tarqalgandi. Turkiya Sharqdagi mazlum xalqlarning ozodlik harakati avj olgan markaz sifatida yuzlab yoshlarni o‘ziga chorlayotgandi. Bu mamlakatda Yevropadagi fan yutuqlari va ilg‘or g‘oyalarni o‘zida jamlagan ensiklopediyalar hamda kitoblarni fransuz tilidan turk tiliga tarjima qilish keng yo‘lga qo‘yilgandi. A. Nayim fransuz tilini ishtiyoq bilan o‘rganishga kirishib, bu tilni juda yaxshi o‘zlashtirgan. Fikrimiz isboti sifatida uning XX asr 20-30-yillarida M. Cho‘qay bilan birgalikda Parijda yashagani, Fransiya – Germaniya orasida qatnab, nemis shaharlarida tahsil olayotgan buxorolik talaba va o‘quvchilar holidan xabar olib turganini aytish mumkin. Germaniyadagi o‘zbek talabalarining ta‘tili paytida Parijga qilgan sayohatlariga ham shaxsan A. Nayim hamroh bo‘lgan.

Turkiyaning Istanbul shahrida istiqomat qilgan, ota-bobosi marg‘ilonlik bo‘lgan Sobir Sayhonli shaxsiy suhbatlarimizdan birida: “Men Ahmad Nayimni ikki-uch bor ko‘rib, u bilan shaxsan suhbatda bo‘lganman. Suhbatlarimizdan birida uning qo‘lida qalin muqovali, fransuz tilida yozilgan, istiqolimiz tarixiga oid

SAVDOGAR OILASIDA TUG‘ILGAN

Ahmad Nayim barcha Buxoro yoshlari kabi yuksak orzular bilan Germaniyaga o‘qish uchun yo‘l olgan, lekin Sovet mustabid tuzumining noinsoniy siyosati tufayli butunlay Vatanidan ajralib, bir umr g‘urbatda yashagan sobiq turkistonlik talabalardan biridir.

Ahmad Nayim Nusratillobek Buxoro amirligining poytaxti Buxoro shahridagi Bozori gul ko‘chasida, savdogar oilasida 1900-yilda tavallud topgan. Tarixiy manbalarda talabalar Germaniyaga qarab yo‘lga chiqishganida uning 21–22 yoshlardagi yigit bo‘lgani haqidagi ma‘lumot ham ushbu sanaga muvofiq keladi. Qolaversa, A. Nayim AQShdagi Kolumbiya universiteti professori E. Ollvort bilan suhbatida ham o‘z tavalludi bilan bog‘liq yuqoridagi sanani qayta-qayta takrorlaydi. Oilasi yashagan boloxonali uy shahar qabristonining orqa tomonida joylashganiga alohida urg‘u bergan. Ahmad Nayimning bobosi Murod Ashurboy karvonboshi, otasi esa hoji Abdulkarimboy nomi bilan el orasida yuksak obro‘-e‘tiborga ega bo‘lgani qayd qilingan. Onasining ismi Nazokatoyim bo‘lgan.

Buxoro o‘rta asrlardayoq islom dunyosida alohida mavqe, hurmat va e‘tiborga loyiq bo‘lib, ilm maskani, ayni paytda xalqaro savdo-sotiq markazlaridan biri bo‘lgan. A. Nayimning bobosi

Murod Ashurboy o‘sha paytda taomilga ko‘ra, 3 yil muddatga saylanadigan karvonboshilik lavozimini bir necha bor egallagan. Shuning uchun unga murojaat qilganlarida ismiga karvonboshi nomini qo‘shib aytgan.

Karvonboshi lavozimiga saylangan shaxs Buxoroda savdo-sotiq ishlarini boshqargan, xaridor va savdogarlar o‘rtasidagi munosabatlarni nazorat qilish vakolatiga ega bo‘lgan. O‘ziga to‘q, tijoratchi oilasida tug‘ilgan Ahmadning ikki akasi bor edi. Birining ismi Abdulhalim bo‘lib, ikkinchi akasining nomini tilga olmaydi. Uning ota tomonidan bobokalonlari asli Karki

Sovet davlatining maxsus idoralari tomonidan “imperializm ayg‘oqchisi”, “sotqin”, “Vatan xoini” kabi qora ro‘yxatga kiritilgan Ahmad Nayim kim edi? 1922-yilga qadar, ya‘ni Germaniyaga o‘qish uchun yuborilgungacha bu shaxs qanday hayot yo‘lini bosib o‘tgan? Buxoro Respublikasi hukumati Ahmad Nayimga qanday munosabatda bo‘lgan? Xorijda o‘z umrining asosiy qismini yashagan Ahmad Nayimning muhojirlikdagi hayoti qanday kechdi? Bu kabi savollarga imkon qadar javob berishga harakat qilamiz.

KIM BO‘LGAN?

ko‘pchiligi hibsga olingani, amir zindonida Usmon Xo‘ja, Atoulla Xo‘ja kabilar bilan bitta obxonada yotganini aytgan. Hatto turk tilini yaxshi bilgan Atoulla Xo‘ja unga: “Xo‘sh, Nayimjon, bu yerda nega yolg‘izsiz?” deb hazillashganda, “Siz yolg‘izlanmang, deb biz ham keldik”, deb hazilomuz fikr aytgan.

IKKINCHI SAFAR. ISTANBULDA 5 YIL

1917-yilning oxiri 1918-yilning boshlarida A. Nayim ikki turk ofitseri hamrohligida amir ayg‘oqchilari ta‘qibidan qochib, Ashxobod – Mashhad – Tehron – Mosul – Damg‘on – Tabriz orqali ikkinchi bor Istanbulga boradi. Ahmad Nayim Istanbulda yashayotgan amakisi yordamida o‘qishini davom ettiradi. Avval, Istanbul harbiy akademiyasining zahiradagi o‘quvchilari ro‘yxatiga yozilib, bu sohada biroz tahsil ham olgan. Lekin iqtisodiy ahvoli tufayli harbiy akademiyani tashlab, nafaqa (*stipendiya*) berib o‘qitadigan Istanbul universiteti oliy va o‘rta maktab o‘qituvchilari kursiga o‘qishga kirgan. 1918–1920-yillarda Istanbul universitetida o‘qib yurgan A. Nayim Buxoroda amirlik tartibi ag‘darilgani, Buxoro Xalq Respublikasi hukumati tuzilganidan xabardor bo‘ladi.

FITRATNING TAKLIFI

1922-yilda u Turkiyaga kelgan buxoroliklar vakilidan Fitratning taklifini oladi. Buxoro Respublikasi hukumati rahbarlaridan biri Fitrat Ahmad Nayimni yaqindan tanir edi. Shuning uchun ham unga “Biz sizdek kishilarga muhtojmiz!” deb Buxoroga taklif qiladi. **Ahmad Nayim o‘qishini tugatmagan bo‘lsa-da, bir necha turk vakillari bilan birga kitob chop etish uchun zarur bo‘lgan tipografiya uskunalari hamda bir qancha kitob, o‘quv anjomlarini olib, Buxoroga yo‘l oladi.** Italiya savdo kemasida Botumi portiga, undan Bokuga yetib kelgan Ahmad Nayim Ozarbayjondagi Buxoro Respublikasi vakolatxonasiga boradi.

1922-yilning oxirigacha mavjud bo‘lib turgan Ozarbayjon Respublikasiga 1921-yilning yozidayoq Buxoro Respublikasidan mashhur matbaachi “Buxoro axbori” gazetasiining birinchi bosh muharriri Mahmud Said Ahroriy (*1895–1931-yillar*) elchi qilib yuborilgan edi. Keyinchalik uning o‘rniga Muhiddin Maxsum tayinlanib, u Buxoro hukumatiining Ozarbayjondagi vakolatxonasini boshqaradi. Ahmad Nayim uning huzurida ikki hafta mehmon bo‘lib turganidan so‘ng Fitratning shaxsan talabi bilan Boku – Krasnovodsk – Ashxobod – Chorjo‘y yo‘nalishi orqali Buxoroga yetib boradi.

YANA BUXOROGA QAYTISH...

1922-yilning dastlabki oylarida Buxoroga kelgan Ahmad Nayim

Abdurauf Fitrat, Fayzulla Xo‘jayev, Ato Xo‘ja, Yusufzoda, akasi Halim Ashurov va ko‘plab qarindoshlari bilan uchrashadi. U Ollvort bilan qilgan suhbatida tashqi ishlar vaziri bo‘lgan Abdurauf Fitrat Ahmad Nayimga: **“Sen bizning hukumatda harbiy vazir bo‘lishing kerak edi”**, degan fikrni bildirganini aytadi. Ahmad Nayim Abdurauf Fitratdan o‘z qarindoshlarini ko‘rish uchun Samarqand, Toshkent, Sharqiy Buxoro (*hozirgi Tojikiston Respublikasi*)ga borib kelish uchun ijozat so‘ragan. Abdurauf Fitrat respublikadagi mushkul vaziyatni unga tushuntirib, Anvar posho bilan omonsiz janglar davom etayotganini aytadi.

ILTIMOS...

1922-yilning bahor va yozida Buxoro Respublikasi hukumati Germaniya o‘quv yurtlariga talabalarni yuborish masalasida amaliy harakatlarni boshlagandi. Germaniyaga o‘qish uchun buxorolik yoshlar birinchi marta 1922-yilning iyun-iyul oylarida yuborilgan edi. Nazarimizda, Ahmad Nayim xorijga talaba yuborish mutasaddilari bo‘lgan Fayzulla Xo‘jayev, Abdurauf Fitrat, Qori Yo‘ldosh Po‘latov, Abduvohid Burxonovlarga xorijdagi o‘qishi chala qolgani, talabalar bilan birga Germaniyaga oliy ma‘lumot olish uchun yuborishlarini iltimos qilib so‘ragan. Turkiyada ikki marta bo‘lib, Istanbul dorulfununida tahsil olgan, bir qadar tajriba va bilimga ega Ahmad Nayimning Germaniyada o‘qish uchun talabalar safida jo‘nashiga ular monelik qilmaydi. Buxoro Xalq Respublikasining Germaniyaga jo‘natilgan birinchi guruh talabalari qatorida Ahmad Nayim ham xorijga o‘qish uchun ketdi. Uning eslashicha, buxorolik yoshlar 15 kishidan iborat bo‘lib, ular orasida Vali Qayumxon, Ahmadjon Shukriy, Sattor Jabbor, Said Ali Anqara ham bor edi.

TEMUR ZIYORATI VA MUHOJIRLIKNING UCHINCHI DAVRI

Buxoro talabalari Germaniyaga jo‘nashlaridan oldin Abdurauf Fitrat yetakchiligida Samarqandga borib, Amir Temur maqbarasini ziyorat qiladi. Keyin Toshkent orqali Moskvaga yetib boradi. Hatto Moskva ko‘chalarida Buxoro Respublikasining bayrog‘ini ko‘tarib, namoyish o‘tkazadi. Moskvadan Petrogradga kelgan buxorolik bo‘ljak talabalar nemis kemasida Boltiq dengizi orqali Germaniyaga jo‘nab ketadi. Shunday qilib, Ahmad Nayimning muhojirlik hayotidagi uchinchi davri boshlanadi.

1924-yilda Buxoro Xalq Respublikasi davlatchiligining tugatilishi, Sovet jamiyatidagi qatag‘on va qirg‘inlar, mafkuraviy to‘siqlar tufayli Buxoroning Germaniyadagi talabalari o‘z holiga tashlab qo‘yildi. Taqdirning achchiq qismati tufayli o‘nlab o‘z yurtiga

qaytgan sobiq talabalar “nemis ayg‘oqchisi”, “sotqin”, “Vatan xoini” kabi asossiz ayblar bilan yo‘qotildi yoki ularning asosiy qismi Sibir va Magadan o‘rmonlarida 15-20 yil qamoq azobini tortdi.

BERLINDAN ISTANBULGA

Ahmad Nayim 1925–1930-yillarda talabalarning O‘zbekistonga qaytib borishi xavfiligini anglab, ularni Turkiya Respublikasiga ko‘chirish va joylashtirish chora-tadbirlarini ko‘radi. Berlin va Istanbul orasida qatnab yurgan Ahmad Nayim buxorolik olti nafar talabani Turkiyaning turli shaharlariga joylashtiradi. O‘sha paytda Turkiyada boshpanaga ega bo‘lish ham oson emasdi. Xorijda yashab qolgan talabalar soni 14-16 ta atrofida ekanini hisobga olsak, 6 kishining hayotini saqlash uchun Ahmad Nayim haqiqiy o‘ktamlik qilgan. **Ahmad Nayimga ushbu xayrli ishlari, qat‘iyati va jasorati, ko‘rsatgan jonbozligi uchun “O‘ktam” degan nom ham berilgan.** U hayotini saqlab qolgan o‘zbek millati vakillari Turkiya Respublikasining oliygohlarida fan doktorlari, professorlar darajasiga ko‘tarildi. Ularning ilmiy tadqiqotlari Turkiston tarixi, madaniyati, iqtisodiyoti, qishloq xo‘jaligi va ijtimoiy muammolari masalalariga qaratildi.

O‘QOY – O‘Q VA OY

XX asrning 30-yillarida Ahmad Nayimning o‘zi ham Turkiyaga ko‘chib o‘tadi. Mustafa Kamol Otaturk Turkiyada yuritgan milliy siyosat zaminida turk millatining birligini mustahkamlashga qaratilgan maqsad yotadi. Shuning uchun 1935-yildan boshlab, barcha Turkiya fuqarolariga millatidan qat‘i nazar turkcha familiya olish tartibi, qonuni joriy qilingan. Ahmad Nayim (*O‘ktam*) ham shundan keyin o‘ziga O‘qoy (*O‘qtoy*) familiyasini tanlaydi. O‘qoy – o‘q va oy qo‘shiluvidan iborat yagona nomdir.

BUXOROLIK BIRINCHI IQTISODCHI OLIM

Ikkinchi jahon urushi yillarida Ahmad Nayim Usmon Xo‘ja singari yurtdoshlarimiz qatori turli mamlakatlarda yashashga majbur bo‘ladi. 1954-yilda Istanbulda “Turkistonliklar kultur va sotsial yordamlashma jamiyati” (*“Turkiston madaniy va ijtimoiy yordamlashma jamiyati”*) tuziladi. Mazkur jamiyat Turkiyadagi millatdoshlarimizni birlashtirish, milliy madaniyatimiz, tilimiz va o‘zligini saqlash, madaniy jihatdan bir-birlarini qo‘llab-quvvatlash maqsadida tuzilgan edi. Maqsadi xayrli ishlar bo‘lgan jamiyatning birinchi raisi Ahmad Nayim O‘qoy bo‘lgan.

1960-yilga qadar turkistonliklar tashkilotini boshqargan Ahmad Nayim bir paytning o‘zida Istanbul

shahar kommunal xo‘jalik xizmatida mutasaddi rahbarlardan biri edi. Muhojir o‘zbeklardan Z. Boboqurbon “Ahmad Nayim Berlinda o‘qigan buxoroliklardan birinchi iqtisodchi olim edi”, deb ma‘lumot beradi.

“ASHURBOY” TAXALLUSI BILAN

U xorijdagi o‘zbeklar tomonidan asos solingan bir qator matbuot organlarida o‘z maqolalari bilan qatnashib turgan. Jumladan, Mustafo Cho‘qayning “Yosh Turkiston” jurnalida “Ashurboy” nomi bilan maqolalar e‘lon qilgan. “Ashurboy” taxallusini olishi bobosi Ashur Murod Karvonboshi xotirasiga izzat-hurmat ramzi edi.

1975–1977-yillarda Turkiyadagi muhojir o‘zbeklarning “Hur Turkiston uchun” gazetasi lotin imlosida, turk tilida chop etilgan. Ushbu gazetaning 1976-yildagi 39-sonida Ahmad Nayimning “Usmon Xo‘ja Po‘latxo‘ja o‘g‘li” nomli yirik maqolasi chop etilgan. Maqola matnidan Usmonxo‘jani Ahmad Nayim yaqindan bilgani, ushbu tarixiy shaxs haqida avtobiografik boy ma‘lumotlar berganining guvohi bo‘lamiz. O‘zbek adibi Tohir Qahhor “Hur Turkiston uchun” (*Toshkent, “Cho‘lpon”, 1994*), turk tarixchisi Mehmet Saray “Otaturkning Sovet siyosati” (*Istanbul, 1990, turk tilida*) nomli kitoblarini yozishda Ahmad Nayimning yuqorida nomi ko‘rsatilgan maqolasidan foydalangan.

Muhojir o‘zbeklardan biri o‘z maqolasida Turkistonda jadidchilik harakatining so‘nggi vakillari 1937–1938-yillardagi qatag‘onlik siyosati natijasida uzil-kesil mahv etilganini yozgandi. Ushbu fikrga biroz e‘tiroz bildirgan holda aytamizki, jadidlarning istiqlol va ozodlik uchun kurashlari xorijiy mamlakatlarda Usmon Xo‘ja Po‘latxo‘jayev (*1878–1968*) va Ahmad Nayim (*O‘ktam*) O‘qoy (*1900–1984*) kabilar orqali uzoq davom etdi.

1984-YIL 21-APREL...

Ahmad Nayimning 1946-yilda tug‘ilgan qizi ma‘lumotiga ko‘ra, Buxoro jadidchilik harakati ishtirokchisi, Buxoro Respublikasining 1920-yillarda Germaniyaga o‘qish uchun yuborgan talabalaridan biri 1984-yil 21-aprelda Istanbulda vafot etgan. Ahmad Nayimning jasadi Istanbulning Anatolian qismidagi Karasaahmed qabristoniga dafn etilgan.

Vatan hasrati va dardida muhojirlikda vafot etgan Ahmad Nayim singari yurtdoshlarimizning orzu-umidlari istiqlol tufayli ro‘yobga chiqdi. Inchunin, yurtimizni hur va ozod ko‘rish, mustaqil mamlakatda yashash ularning maqsadi edi.

Shodmon HAYITOV,
tarix fanlari doktori.
Kamol RAHMONOV,
tarix fanlari nomzodi

Agar yo‘lingiz Qamashi tarafga tushsa, Qamayning Oqguzar qishlog‘i yonidagi atrofi panjara bilan o‘ralgan do‘ngsalikka ko‘zingiz tushishi tayin. Men ham bu yo‘llardan ko‘p o‘tganman, gohida qiziquvchanligim sabab tanish-bilishlarimdan o‘sha joy haqida surishtirgan bo‘lsam-da, birorta tayinli javob olmaganman.

XUDOYBERDI HOJI

QISMATI

Kunlarning birida Chimlik adib Temirpo‘lat Tillayevning xonadonida Qashqadaryo viloyati “Oltin meros” Xalqaro jamg‘armasi rahbari, taniqli adiba Sharofat Ashurova bilan ko‘rishib, bu joy haqida so‘radim.

Savolimni eshitgan opamiz muloyim kulimsirab:

– Hay, soddagina ukam-a, axir o‘sha joyda siz qadrdon ukam deb yurgan Temirpo‘latning bobosi Xudoyberdi hoji o‘tgan asrning yigirmanchi yillari o‘rtalarida g‘animlari tomonidan otilgan-da, shuni ham bilmaysizmi? – deya javob berdi.

Hayratlanarlisi, men qariyib o‘ttiz yildan beri bordi-keldi qilib yurgan, kunda bo‘lmasa ham, kunora telefonlashib turadigan ukamiz nega bu joy haqida lom-mim demaganiga hayron bo‘lib qolgandim.

– Ancha yillar avval Qamay baxshichilik maktabining tarixini o‘rganib, 64 baxshining ijodiy faoliyatini aniqladim va shu sulolaning eng so‘nggi vakili Hazratqul baxshi shajarasini o‘rganib, hayron qoldim, – deya so‘zida davom etdi Sharofat opa.

Chunki Hazratqul baxshining otasi Xudoyberdi hojining ibratli hayoti meni qiziqtirib qo‘ygandi. Qamay qo‘ng‘irotlari orasidan o‘tgan asrning boshida hojilik martabasiga erishgan u insonning umr yo‘lini o‘rganganim sari hayratim oshib bordi. Biroq Xudoyberdi hojining ona tarafdan Temirpo‘lat Tillayevning bobosi bo‘lib chiqishini tasavvur ham qilmagan edim, o‘shanda...

...SHUNDAY QILIB, qamaylik Mo‘minboyning 1880-yilda dunyoga kelgan Xudoyberdi ismli o‘g‘li avval qishloq mullasining qo‘lida boshlang‘ich savod chiqargach, Samarqand madrasalarida tahsilni davom ettiradi va o‘sha dargohda saxovatpesha bir mudarrisning ko‘magi bilan Buxoroga yo‘l oladi, mashhur Mir Arab ilmgohida o‘qiydi.

Tahsilni tugatib, o‘zi ilm olgan madrasada ikki yil mudarrislik qiladi va qadrli ustozi bilan muqaddas haj ziyoratini ado etish uchun yo‘lga tushadi.

Haj amallari ado etilayotgan kunlarning birida arabistonlik bir guruh mashoyixlar ularni sinab ko‘rmoq uchun Movarounnahrda istiqomat qilayotgan Quraysh urug‘lari va ularning ma’naviy mulki

haqida so‘raydilar. (*Katta Langar Qur‘oni va Payg‘ambar xirqasi ko‘zda tutilgan*). Xudoyberdi ustozining biroz ikkilanib qolganini ko‘rib, vazminlik bilan ularga arab tilida to‘liq va mufassal javob beradi.

Imom Buxoriy yurtidan kelgan Xudoyberdining burro javoblari makkalik ulamolarni lol qoldiradi va ularning sardori ustidagi qora chakmonini yechib, Xudoyberdi hojining yelkasiga yopdi. Xudoyberdining bu muvaffaqiyati darrov to‘rt tarafga ovoza bo‘lib, hatto Qamayga ham yetib keladi.

Hajdan qaytgan Xudoyberdi yana ikki yil Buxoro muzofotlaridan birida mudarrislik qilgach, ustozining roziligi bilan ota eliga – Qamayga qaytadi.

ORADAN IKKI YIL O‘TIB, yana muqaddas haj ziyoratiga otlanadi. Bu gal yosh Xudoyberdi o‘zining qarindosh va qishloqdoshlaridan to‘rt kishini ulug‘ ziyoratga olib ketadi. Ular omon-eson haj ziyoratini ado etib, qaytadi. Bu himmat va oliyjanoblik Xudoyberdining eldagi obro‘sinu yanada oshirib yuboradi.

Shu orada Xudoyberdi hoji Chim qishlog‘ida yashovchi Hakimboyning Mayram ismli qiziga uylanadi. Mayram nihoyatda suluv va oqila, “Qur‘on”ni hatm qilgan ilmi ayol edi. Ular Buxoro amiri taxtni tashlab qochgan 1920-yilda Oynaxol ismli qiz (*Temirpo‘lat Tillayevning onasi*) va sho‘rolar bosqini boshlangan kezlarda Mahmud otli o‘g‘il ko‘radi. Bilimdon, adolatparvar, serg‘ayrat Xudoyberdi hoji yaxshigina davlatmand bo‘lgani uchun sevimli ayoli Mayramga Qamayda qizlar o‘qiydigan maktab ochib beradi. Aslida, Mayram Chim qishlog‘ida ham otasi Hakimboyning hovlisida maktab ochib, 40 nafar qizni o‘qitar edi.

Biroq Xudoyberdining bu ishlari endigina oyoqqa turayotgan sho‘rolar davlati siyosatiga soya solardi, albatta. Qashqadaryoda, xususan hozirgi Qamashi tumani xududlaridagi chekka qishloqlarda sho‘rolar o‘zining ChSB (*Chala savodni bitirish*) kurslarini ochish taraddudiga tushgan, hatto bu ishga arab imlosini biladigan ko‘plab tatar va boshqa millatga mansub kishilarni safarbar qilgandi.

Nihoyat, sho‘rolarning maxsus harbiy idoralari Xudoyberdi hojini yo‘q qilishning ayyorona yo‘lini

topishdi, ya‘ni “sopini o‘zidan yasashdi”. Ular Oqmirzabek boshliq bo‘lgan talonchilikni kasb qilib olgan cho‘nqaymalar to‘dasini bu ishga jalb etadi.

KUNLARNING BIRIDA

qo‘shni qishloq masjididan nomoz o‘qib qaytayotgan Xudoyberdi hoji qurollangan otliqlar tomonidan qo‘lga olinib, to‘da boshi Oqmirzabek tomonidan 1924-yil kuzida otib o‘ldiriladi. Atrofi panjara bilan o‘ralgan ana shu do‘ngsalik – Xudoyberdi hoji otilgan, ya‘ni shahid qilingan joy.

Oradan ko‘p fursat o‘tmasdan xonaga mezon Temirpo‘lat Tillayev kelib o‘tirdi va suhbatimiz mavzusini eshitgach, biroz o‘yga tolib dedi:

– Onam rahmatli otasi Xudoyberdi hoji o‘ldirilganda to‘rt yoshda bo‘lgan. Validam momomiz mulla Mukarram va onasi mulla Mayramdan ko‘p voqealarni eshitib ulg‘aygan. Sho‘rolar saltanatining qattol siyosati qurboni birgina otasi Xudoyberdi hoji bo‘lib qolmay, keyinchalik tog‘alari Jabbor, Hazratqul, Ovloqul Hakimovlar, qaynotasi Tilla Karvon Ismoilov va ularning maslakdoshlari Abdurahmon Do‘stov, Salomatxon eshon O‘zbekov, Tilov Jo‘rayev “xalq dushmani” degan soxta ayblovl bilan qamaldi. Shulardan birgina Nabi Sanayev uzoq yillardan keyin qishloqqa qaytib kelgan.

Oilada ota-onamning to‘rt qizdan keyin tilab olgan o‘g‘li bo‘lganim uchun anchagina erka o‘sdim. Mening bolalik va o‘smirlik davrim o‘tgan asrning 70-yillariga to‘g‘ri keldi. U paytlarda hozirgidek televizor, uyali telefon deganlari yo‘q edi.

Ayniqsa, qishning olis kechalarida qo‘ni-qo‘shnilar ko‘pincha biznikiga kelib gurung qilar, keksa bobo-momolar nimalarni aytmagan deysiz bu gurunglarda. Enamning pinjiga kirib ularning suhbatlarini tinglardim.

EH, QANI EDI, o‘sha paytlarda hozirgidek ovoz yozish uskunolari bo‘lganda edi... Qanchadan qancha voqealarning tafsilotlari izsiz yo‘qolib ketmagan bo‘lardi. Men esa yosh edim va bu kechmish voqealari kimlar haqida ketayotganiga unchalik ahamiyat bermasdim. Keyinchalik ul-bul qoralayotganimda esa onamdan bobomning ayanchli taqdiri haqida so‘raganimda tanbeh eshitardim:

– Nima qilasan eski gaplarni kovlashtirib, tag‘in bobong haqida bir nima yozib, boshing baloga qolmasin, deyman-da, bolam... Ey, bu qattol sho‘rolar davlati “hojining qizi” deb ne-ne malomat toshlarini otishmagan boshimizga... Bilaman, yoshsan, qiziqqonsan, mayli istagan narsangni yozaver, biroq bobong Xudoyberdi hoji to‘g‘risida zinhor yozma, meni desang...

Onamning bu so‘zlariga uzoq yillar amal qildim. Xudoyberdi hojining ona tomondan bobom bo‘lishi haqida hech kimga gapirmaganman.

Lekin baribir... ko‘nglimdagi dardlar bundan o‘ttiz besh yil avval yozilgan “Quyosh soyasi” romanimda o‘z aksini topdi.

Xudoyberdi hoji dunyo ko‘rgan, keng fikrli kishi bo‘lgan. Obro‘yli, bilimli kishilar bilan doim muloqot qilib turgan, hatto kitoblik mashhur Jo‘rabek dodxoh (*general*) bilan ham qadrdon do‘st bo‘lgan ekan.

Bobomning uyida kattagina kutubxonasi bo‘lib, unda diniy kitoblardan tashqari boshqa tillarda bitilgan dunyoviy kitoblari, turli mamlakatlarda nashr etilgan gazeta-jurnallar ham ko‘p bo‘lgan. “Qama-qama”lar avj olgan yillarda momom boshimizga balo bo‘lmasin deb, ularni qayergadir yashirgan va buni hech kimga aytmagan.

Bobom o‘zi mablag‘ bilan ta‘minlayotgan maktablarda ilm olishga ixlosmand yoshlarni Buxoro va Samarqand, hatto Turkiya va arab mamlakatlariga o‘qishga yuborishni rejalashtirib yurgan.

Afsus, u kishining bu ezgulik va ma‘rifatparvarlik yo‘lidagi ishlari amalga oshmasdan qolib ketgan. Lekin elning xotirasini hech bir kuch o‘chira olmaydi.

O‘rolboy QOBIL,
O‘zbekiston Yozuvchilar
uyushmasi a‘zosi

Qahramonlar nomi barhayot

“Shamolning mayin ifori yuzimga urilmoqda, osmonning ko‘zlarini ko‘rdim. Bolaligimda dalaga mol boqishga borganimda tabiat bilan ko‘p suhbat qurardim. Qishlog‘imiz etagida qalin terakzor bo‘lib, qushlarning chug‘ur-chug‘uridan ko‘nglim yorishardi. Onamning issiq kulchalari, uyimiz yoqasidan o‘tgan ariq. Otamning yelkasidagi ketmon, ukalarim, hammasi ko‘zim oldidan birma-bir o‘tmoqda, lahzada abadiyat bilan yuz ko‘rishdim. O‘lim ko‘lankasi yuzlarimga soya solib turibdi, dushmanlarimning oyoq tovushlarida titrayotgan qo‘rquv ham shundoq quloqlarim tagida”.

(Bu so‘zlar Elomon Otajonovga tegishli)

“Vatanimni yaxshi ko‘raman, hammangizni yaxshi ko‘raman”

Sariosiyo voqealaridan bexabar yurtdoshlarimiz bo‘lmasa kerak. Vatanimiz tinchligiga raxna solmoqchi bo‘lgan, ba‘zi g‘alamis, terrorchi guruhlariga qarshi kurashda jon bergan qahramonlarimiz ham barchamizning yodimizda. Qo‘limga qalam olib Elomon haqida yozar ekanman, bu jasur yigit o‘z nomi bilan dunyoga kelgan ekan degan xayol o‘tadi ko‘nglimdan. Avval bunaqa ism eshitmaganman, agar kimdir o‘z ismining yukini chinakam ko‘tara olgan desak, u, shaksiz, Elomon Otajonovdir.



“Onajon, bu safar sovchilikka borasiz”

– O‘g‘lim ichimdagini top, deydiganlar safidan edi. “Bolam, bo‘ying ham yetib qoldi, o‘rtoqlaring ham birin-ketin uylanyapti, otang bilan kelishib seni uylamoqchimiz. Agar ko‘nglingda biror kim bo‘lsa, ayt, tanlaganing bo‘lmasa, o‘zim senga munosib qiz topib beraman”, dedim. Ko‘zlarini katta-katta ochib jilmayadi. “Bu safar uyga qaytganimda, albatta, sovchilikka borasiz, ona”, degancha tizzamga boshini qo‘yib xonaning bir burchiga uzoq termilib yotdi. Bolam ichidagi mehr-muhabbatini oshkor etavermasdi, bu safar: “Ona, rahmat hammasi uchun, sizni judayam yaxshi ko‘raman”, dedi. “Men ham yaxshi ko‘raman, arslonim, onang o‘rgilsin, hali bir kuyov bo‘l, yetti mahallani chaqirib, katta to‘y beramiz, to‘yingda ro‘molim boshimdan tushguncha o‘ynayman, bolam”, deb yuzlarini silab o‘tirdim. Tongda jo‘nab ketdi, shu-shu, qaytmadi. Haligacha yo‘l qarayman, hozir eshikdan kirib keladigandek bo‘laveradi.

Elomonning quloqlarimga pichirlayotgan so‘zlari

– Ko‘ksimga tekkan o‘qdan ko‘z oldim bir muddat qorong‘ilashdi, hamma narsa ko‘z o‘ngimdan o‘ta boshladi. Og‘riqdan o‘zimga keldim, baribir omon qolmayman. Mening yuragimni ezayotgan tuyg‘u esa o‘limdan ham og‘ir edi. Hozir jimgina o‘limga bosh eg sam-u, do‘stlarimning boshiga ham mening kunim tushsa, bundan yomoni yo‘q. O‘zimni tutdim, qo‘limga qurolimni olmoqchi bo‘ldim-u, ko‘tarolmadim. Odam tirik ekan, hammasiga qodir, dedim. Dushmanlar men tomonga yaqinlashib kelayotganini ko‘rib turibman: soch-soqoli o‘sgan, boshida sallasi, ko‘zlarida insoniy tuyg‘ulardan zarra ham yo‘q. Ratsiyani oldim-u, ko‘rganlarimni so‘zlay boshladim. Ko‘z o‘ngim qorong‘ilashib ketar, ikki olam orasida edim, go‘yo. Yodimning bir burchida ota-onam jonlanib turibdi. Ko‘zim yana ochilib, terrorchilar menga ancha yaqin qolganiga guvoh bo‘laman. Bor kuchimni to‘plab, qurolimga yopishdim, endi holim barmoqlarimni qimirlatishga ham yetmasdi. Otam, onamdan xabar ololmasligimni o‘ylash

hammasidan og‘ir edi. Qaytaman, degan va‘damni bajarolmaganim ko‘nglimni tilka-pora qilmoqda. Ulardan xabar olib turing!

**Vatanimni yaxshi ko‘raman,
Hammangizni yaxshi ko‘raman.**

Mana, kuragimga yana o‘qlar kelib tegdi. Osmonning ko‘zlari mening ko‘zlarim-la birlashib, oqlik aro singib ketmoqdaman.

Elomon mardlarcha jon beradi. Sariosiyo tog‘lari, archazorlari, har giyoh, har maysa bu mard yigitning xunini olgisi kelgandek tuyulaveradi menga. Keyin yuragimdan shu misralar otilib chiqib boshladi:

**Yelkasidan o‘q yegan daraxt,
Chap ko‘ksida dog‘i bor o‘rik,
Bag‘ri qonga belangan shafaq,
Miltig‘ingning ko‘zida yiring.
O‘ch oladi, to‘latar tovon,
Sen ko‘nglingni to‘q qil, Elomon!**

**Bolalikni esla, maysazor,
Kapalaklar uchar gullardan.
Varragingni uchirib shamol,
Yulduz sanab yotgan tunlarda.
Senga ham joy ajratdi osmon,
Yulduz bo‘lib porla, Elomon!**

**Sen borarsan oldinda mag‘rur,
Kiprigingga yuqtirmay hasrat.
Pistirmada yotgancha mal‘un,
O‘q uzmoqda ko‘ksingga nomard.
Bir boshingga ming bir olomon,
Bosh ko‘tarib kelar Elomon!**

**Sen boshingni egmaysan, og‘a.
Yovga ko‘ksing etgancha qalqon.
Tepangdan o‘q yomg‘iri yog‘ar,
Pichirlaysan bo‘lib yarimjon.
Vatanimni asrang sog‘-omon,
Vatanimni asrang sog‘-omon.**

Bu dunyo yaralgandan beri qancha mard yigitning ko‘ksi nomardlar o‘qiga qalqon bo‘lmadi, deysiz. To‘rtta she‘r yozib, mardlik haqida og‘iz ko‘pirtirishdan nariga o‘tolmagan mendek ijodkorlar bu yigitning qahramonligini ibrat qilib olsa, arziydi. Men ishonamanki, bu Vatanning Elomonlari hali juda ko‘p. Endi ular Vatan uchun jon berib emas, kezi kelganda jon olib yurtga xizmat qiladi.

**Muhammadali G‘AFFOROV,
“Vatanparvar”**

“Vatanparvarlar” musobaqasi



Nukus garnizonidagi harbiy qismlardan birida o'tkazilgan “Vatanparvarlar” musobaqasining Qoraqalpog'iston Respublikasi bosqichi 17 ta shahar va tumandan kelgan eng sara jamoalarga sog'lom raqobat muhitida kuch sinashish hamda bilim, iqtidor va shijoatini namoyon etishga imkon yaratgani bilan ahamiyatli bo'ldi. O'quvchilardagi hayajon, g'alabaga bo'lgan shijoati, harbiycha qat'iyat bellashuvning har bir shartida yaqqol ko'zga tashlandi. Bu esa musobaqaning nufuzi yildan yilga ortib borayotganidan dalolat beradi.



QORAQALPOG'ISTONLIK YOSHLAR

SHIJOAT VA MATONATNI NAMOYISH ETDI

O'zbekiston Respublikasi Mudofaa, Ichki ishlar va Favqulodda vaziyatlar, Maktabgacha va maktab ta'limi vazirliklari, Yoshlar ishlari agentligi, Davlat xavfsizlik xizmati, Milliy gvardiya, Yoshlar ittifoqi markaziy kengashi, “Vatanparvar” tashkiloti markaziy kengashi hamda boshqa davlat va jamoat tashkilotlarining 2024-yilgi qo'shma qaroriga asosan, umumta'lim maktablaridagi “Vatan tayanchi” otryadlariga a'zo bo'lgan bitiruvchi sinf o'quvchilari o'rtasida mudofaa vazirining kubogi uchun o'tkazilayotgan “Vatanparvarlar” harbiy-sport musobaqasi yoshlarda harbiylikka havas uyg'otib, ularni vatanparvarlik ruhida tarbiyalashga hissa qo'shmoqda.

Har bir jamoa a'zolari harbiy liboslarda mag'rur saf tortib, kuchli raqobat uchun o'zlarini ruhan tayyorladi. Qat'iy intizom va g'alabaga bo'lgan ishtiyoq bellashuvning har soniyasini his-hayajonga, g'ayrat-u shijoatga to'ldirdi.

Musobaqaning ochilish marosimida Shimoli-g'arbiy harbiy okrug qo'shinlari qo'mondonligi hamda boshqa davlat va jamoat tashkilotlari vakillari, chaqiruvga qadar boshlang'ich tayyorgarlik fani o'qituvchilari va o'quvchilar qatnashdi. So'zga chiqqanlar musobaqa ishtirokchilariga zafarlar yor bo'lishini tiladi.

Musobaqa nizomiga ko'ra, bellashuvda har bir jamoadan 7 nafar

o'g'il va 3 nafar qiz bola ishtirok etishiga ruxsat berilgan. Harbiy sport musobaqasining “Merganlar bellashuvi” deb nomlangan 1-shartiga ko'ra, yoshlar sport miltig'idan nazorat otish mashqi orqali merganlik mahoratini namoyish etdi.

Besh nafar o'g'il bola ishtirok etgan “Turnikda tortilish” shartida 4 daqiqa vaqt ichida kuchlarini sinovdan o'tkazib, eng ko'p natija qayd etishlari kerak bo'ldi. “Harbiylashtirilgan estafeta” shartida ishtirokchilar o'qotar qurolni noto'liq qismlarga ajratishi va yig'ishi, gazga qarshi niqobni kiyishi va o'q-dori qutisini ko'tarib yugurishi kerak bo'ldi. Bu shartda jamoadan 4 nafar ishtirokchi qatnashdi.

Bahslarning “Jabrlanuvchiga birinchi tibbiy yordam ko'rsatish” deb nomlangan 4-shartida ikki nafar ishtirokchi 50 metr masofaga zambilni ko'targancha yuguradi va marrada yotgan shartli jabrlanuvchiga birinchi tez tibbiy yordam ko'rsatadi. Shundan so'ng jabrlanuvchini zambilga ortib, finish tomon yuguradi.

“Safda qo'shiq aytish” deb nomlangan keyingi shartda jamoalar safda shaxdam qadamlar bilan yurib, harbiycha qo'shiqlarni jonli ijro etishi belgilangan. Bunda saf elementlarini nizom qoidalariga asosida bajarishi, safda yurishi, qo'shiq kuylashi, ust-bosh kiyimi uchun har bir jamoa baholandi.

“Bilimdonlar” deb nomlangan keyingi shartda o'quvchilar elektron dastur orqali Jaloliddin Manguberdi, Amir Temur, Bobur Mirzoning harbiy faoliyati, Markaziy Osiyo davlatchilik tarixi hamda O'zbekiston tarixi bo'yicha 15 tadan 30 tagacha bo'lgan test savollariga javob berishi va ularning har biri uchun qo'shimcha ball egallashi mumkin bo'ldi.

“Vatan madhi” shartida jamoalarning san'atkorlik mahorati sinovdan o'tkaziladi. Unda 5 nafardan kam bo'lmagan tarkibda qatnashgan ishtirokchilar jamoaviy va yakka tartibda vatanparvarlik ruhida milliy qo'shiqlarni kuylab, o'zlarining mahoratlarini namoyish etdi.

Bu yilgi musobaqa nizomiga kiritilgan yangi shartlardan biri, ya'ni “Smart sardor” ixtirochilik tanlovida ishtirokchilar o'zlarini ixtiro etgan robototexnika yoki boshqa zamonaviy loyihalarni taqdim etishi kiritilgan. “Smart sardor” o'quvchilarni tajribaga ilhomlantirish, amaliy o'rganish va jamoada ishlash ko'nikmalari orqali o'ziga ishonch, tanqidiy fikrlash, dizayn ko'nikmalarini rivojlantirishga xizmat qilishi bilan ahamiyatlidir.

Musobaqaning har bir shartida ishtirokchilarning xatti-harakati vaqt mezoni bilan adolatli baholab borildi.

Bellashuvning yopilish marosimida nutq so'zlaganlar bugungi kunda

mamlakatimiz yoshlariga bo'layotgan e'tibor, ularni harbiy-vatanparvarlik ruhida tarbiyalashdagi yutuqlarni e'tirof etib, harbiy okrug hududida mana shunday tadbirlarni o'tkazish uchun barcha sharoitlar bundan keyin ham yaratib berilishini ta'kidlashdi.

Nihoyat hayajonli damlar yetib keldi. Dastlab musobaqa shartlarida alohida ko'rsatkichlarga erishgan o'quvchilar va jamoalar taqdirlandi. Unga ko'ra, “Eng kuchli sportchi”, “Eng yaxshi mergan”, “Eng yaxshi bilimdon”, “Eng yaxshi ijrochi” va “Eng yaxshi ixtirochi” kabi bir qator nominatsiyalar bo'yicha yoshlar yakka va jamoaviy tartibda mukofotlandi.

Yakuniy natijalarga ko'ra, Taxtakopir tumani 2-umumta'lim maktabining “Burgutlar” jamoasi shohsupaning uchinchi pog'onasidan joy oldi. Kegeyli tumani 41-umumta'lim maktabining “Lochin” jamoasi 2-o'ringa loyiq deb topildi. Musobaqaning mutlaq g'olibiga Qonliko'l tumani 2-umumta'lim maktabining “Lochin” jamoasi aylandi.

Taqdirlash marosimida g'olib va sovrindorlar tashkilotchilar tomonidan kubok, medal, diplom, faxriy yorliq hamda esdalik sovg'alari bilan mukofotlandi.

Alijon BOYMURATOV,
Nukus davlat universiteti
talabasi

Jasorat maktabi

VATANPARVARLIK tarbiyasi



Janubi-g'arbiy maxsus harbiy okrugga qarashli Nuriston qo'rg'onida joylashgan harbiy qismda 10 kunlik "Jasorat maktabi" harbiy-vatanparvarlik o'quv yig'inining yopilish marosimi bo'lib o'tdi.

Unda okrug qo'mondonligi, kuch tuzilmalari vakillari, birlashtirilgan davlat va jamoat tashkilotlari, yoshlar va harbiy xizmatchilar ishtirok etdi.

Ortda qolgan 10 kun davomida yoshlarni harbiy-vatanparvarlik ruhida tarbiyalashga, yangi kasb-hunarga o'qitishga hamda jamiyat uchun kerakli kadrlar bo'lib yetishishiga alohida e'tibor qaratildi. Yig'in ishtirokchilari uchun dastlab Qarshi harbiy hospitalining malakali mutaxassislari tomonidan tibbiy tekshiruvlar o'tkazilib, harbiy liboslar berildi. Qatnashchilar ichki tartib-intizom, harbiy yurish-turish hamda mashg'ulot jadvali bilan tanishtirilib, ularga malakali ofitser va serjantlar birlashtirildi.

Shu bilan birga, "Jasorat maktabi" qatnashchilari uchun ma'naviy-ma'rifiy darslar, biznes saboqlari, jangovar tayyorgarlik mashg'ulotlari, psixologik va motivatsion treninglar tashkil qilindi. Bu yerga kelgan har bir yoshning orzu istaklarini, muammolarini aniq o'rganish maqsadida uch avlod hamda qo'mondon va yoshlar uchrashuvlari kabi bir qator ochiq suhbatlar ham o'tkazildi.

Ishtirokchilar harbiy qismda nafaqat jismonan chiniqdi, balki harbiy estafeta musobaqalari hamda "Zakovat" intellektual o'yinlarida bevosita ishtirok etib, yangi bilim va ko'nikmalarga ega bo'ldi.

Jasorat maktabining so'nggi kunida har bir yoshning yuz-ko'zidan, tashkilotchilarga

berayotgan savollaridan Vatanga bo'lgan muhabbat hissini oshganiga va endilikda hayotga boshqacha nigoh bilan qarayotganlarini bilish mumkin.

"Jasorat maktabi" o'quv yig'ini yakuni munosabati bilan tantanali tadbir tashkil etilib, faol ishtirok etgan, o'zini har tomonlama ko'rsatgan yoshlarga qimmatbaho sovg'alar hamda sertifikatlar topshirildi.

Muxtasar aytganda, ortda qolgan 10 kun yoshlar uchun chin ma'noda vatanparvarlik va jasorat maktabi bo'ldi.

Janubi-g'arbiy maxsus harbiy okrug matbuot xizmati

Musobaqa



BILIM VA MATONAT SINOV



Andijon garnizonidagi harbiy qismda mudofaa vaziri kubogi uchun tashkil etilgan "Vatanparvarlar" harbiy sport musobaqasining Andijon viloyati bosqichi o'tkazildi. Unda viloyatning barcha shahar va tumanlaridan saralab olingan iqtidorli o'quvchilar ishtirok etdi.

Musobaqada 10-11-sinflarda tahsil olayotgan "Vatan tayanchi" otryadlari a'zolari bilim, jismoniy tayyorgarlik, harbiy ko'nikma va jamoaviy muvofiqlikda o'zaro bellashdi.

Musobaqa davomida o'quvchi-yoshlar "Bilimdonlar", "Vatan madhi", "Smart sardor", "Turnikda tortilish", "Press", "AK-74 avtomatini qismlarga ajratish va yig'ish", "Arqon tortish", "Merganlar bellashuvi", "Harbiylashtirilgan estafeta", "Jabrланuvchiga birinchi tibbiy yordam ko'rsatish", "Safda qo'shiq aytish" kabi shartlarda jamoaviy birdamligi, diqqatni jamlay olish va aniqlik qobiliyati, jismoniy tayyorgarligi va chidamliligini sinovdan o'tkazdi. Har bir shartda o'quvchi-yoshlar fidoyilik, matonat va jamoaviy ruhda harakatlana olish ko'nikma va fazilatlarini namoyon etdi.

Yoshlardagi jismoniy va aqliy salohiyat, liderlik qobiliyati, tezkorlik kabi jihatlar mezon sifatida baholandi.

Qizg'in va murosasiz kechgan bahslar yakunida Marhamat tumani jamoasi faxrli 1-o'rinni egalladi. Asaka tumani jamoasi 2-o'rinni, Bo'ston tumani jamoasi esa 3-o'rinni qo'lga kiritdi.

G'oliblar diplom va esdalik sovg'alari bilan taqdirlandi hamda musobaqaning navbatdagi bosqichiga yo'llanma oldi.

Sharqiy harbiy okrug matbuot xizmati



Keling, kitob o'qiymiz!

"Uchayotgan kipriklar" ga MAKTUB

So'zning qudrati oldida doim hayratda qolaveraman. Qachonki yangi kitob, yangi nomni kashf qilsam, "Toshkent siti" dan to'rt xonali xonadon xarid qilgandek xursand bo'lib ketaman.

Ko'nglim nimadandir uzoq xomush tortadi. Odatda, bunday paytlar she'r yozaman, bu safar qo'limdan kelmadi. Matnazar Abdulhakim, Erkin Vohidov she'rlaridan biroz mutoalaa qildim, yuragimning hovuri bosilmadi.

Qalbmida ijarada yashayotgan uyning derazasidan olis ufqqa termilib, tamaki tutatib, havosi buzilgan shaharning yarasiga tuz sepa boshladim. Samoni to'ldirib tizilib turgan yulduzlarga boqib, ikki misra she'r xayolimdan to'kila boshladi:

*"Bolalikni eslar onimda,
Bitta yulduz ko'zini qisdi,
Xuddi eski qadrdonimday".*

Ko'nglimda milt etgandek yorug'lik paydo bo'ldi, avvaliga muallifini eslay olmadim.

So'ng ichimdan nimadir Muhiddin aka, deb qichqirib yubordi. To'zg'ib yotgan kitoblar orasidan shosha-pisha akaning kitobini qidirishga tushdim.

"Uchayotgan kipriklar..."

Kitobni varaqlab ulgurmay, ko'zlarim kosasida bir tomchi yosh aylana boshladi. "Uchayotgan kipriklar" a? Shoir uchun she'r yozishdan ko'ra mashaqqatliroq bir hodisa kitobiga nom qo'yishdir, shoir esa vazifasini a'lo darajada bajargandi.

So'ng hafsalamni jamlab, bu mo'jaz olamning eshigini ochdim:

*"Bolaligimda mabodo kiprigimiz to'kilsa, onam:
"Sog'ingan insoningni aytib, uchirib yubor", der edilar.
Yuragimning to'kilgan kipriklarini – she'rlarimni
sog'inganim So'zga va Sizga uchirdim", deya o'qirmanlarga
taqdim qilingan bitiklarini hayajon bilan xatm etmoqni
ixtiyor etdim. Shoir "Sizga" deya e'tirof etganida, meni ham
nazarda tutganini yurak-yuragimdan his etib bo'lgandim!...*

*"Ota,
mehnat degani
bemavrid abr ekan,
Qora sochlaringizga
hijjalab qor elabdi.
Ona,
zahmat degani
qip-qizil shoir ekan,
Qarang, peshonangizga
satrlar qoralabdi".*

Oh, deyman, shu kichik misralar ichiga ikki inson umrini sig'dirolgan shoirga. Onaning manglayidagi ajinlarni o'qiy olish uchun qalb ko'zlarimiz qanchalar ochilishi kerak, bu yoziqlarda qancha iztiroblar yashirin ekanini bilish uchun-chi? Bilmadim. Bu kichik jussasi bus-butun yurakdan iborat bo'lgan inson, hayotni "shoir" deb atagan bir muddat xayollarimni esankiratib qo'ydi. Bu beshafqat hayot qanchadan qancha insonlarning manglayiga o'z she'rlarini yozmagan deysiz!

Kitob sahifalarini birin-ketin varaqlayman, "Kitobxon" deya nomlangan she'rni uch qayta o'qidim.

*"Quchoqlab keldi-yu, bir qalin kitob,
Varaqlab-varaqlab
o'qiy boshladi.
Bir bet o'qidi-yu,
ko'zi ilinib,
uxladi,
ko'zini yumib qoshlari".*

Bir qarashda oddiy tuyulgan bu misralar yelkasiga qancha og'ir yukni ortib ketayotganini his qilganimda o'zimdan uyaldim. Kitobsiz, zangori ekranga termilib o'tayotgan umrimning sarhisobi ko'zimning oldidan o'tdi. Xona burchida saf tortib turgan kitoblar go'yo menga qarshi urush ochgandek, qilich yalang'ochlab turardi. Mulzam bo'ldim.

*"Nogoh, yuragimni ezadi nola,
Bo'g'zimni yirtadi bir nido, xitob.
Uxlamoq uchunmas,
uyg'onmoq uchun,
Qachon o'qiydilar odamlar kitob?"*

She'rni tugatar ekanman, uyquda o'tayotgan umrim uchun uyg'onish bongi urilgandek bo'ldi go'yo. Agar menga imkon berilganda, peshtaxtalarga qaysidir korxonaning reklamasini emas, mana shu she'rni yozib qo'ygan bo'lardim. Yuraklarga uyg'oqlik urug'larini sochishdek vazifani yelkalab ketayotgan bu misralar har qalbd o'z o'rini topishi kerak axir.

*"Men odam emasman,
Men so'zman,
hamma o'qiy bilar bu so'zni.
Mabodo qiynalsa, o'qishga,
haqorat qilishar, paydar-pay.
Dunyoda hech kim yo'q
va yo'q hech nima,
Faqatgina so'zlar bor
yorug' dunyoda
Ko'rib turganingiz,
daraxt, odam ham,
Hatto qumursqa ham
oddiygina so'z.
Demak, men odamman,
Odam – so'z".*

Tangri avval qalamni yaratdi, so'zni yaratdi, yuqorida keltirilgan she'rda aytilganidek, onaning peshonasiga satrlar qoralagan ham shu qalam. Jamiki borliqni odam, hayvon, gul, daraxt, suv, havo deya nomladi. Qalamdan to'kilgan yoziqlar esa so'zga aylandi.

*"Dunyoda hech kim yo'q
va hech nima,
Faqatgina so'zlar bor".*

Insondan yaxshi nom qolsin ekan, hammamiz dunyodan o'tamiz. Abadiy ustun bo'lgan biror zog' yo'q. Inson faqat nomi, yodi bilan abadiyatga muhrlanadi, so'zga aylanadi.

Shoir bu xulosani anchayin erta tushungan va bizga ham anglash uchun ishoralar bermoqda: "Odam – so'z", deya. Bu kitobda meni eng quvontirgan narsa – Muhiddin akam kitobni semirtirishga aslo urinmagan. Bo'sh qopni havo bilan to'ldirgandan qanday foyda bor? Baribir bo'shatilganda xaltaning o'zi qoladi xolos.

*"Yuragim eng so'nggi yaproqdek g'arib,
Tiriklik shamiday miltirar havas.
"Sevasanmi?" deya nafas chiqarib,
"Sevaman", deganicha olyapman nafas".*

Marjondek tizilgan bu go'zal yoziqlar meni o'ziga tobora tortib bordi, goh quvonib, goh tutdek to'kilib o'qiyotganim – bu qismat parchalari men uchun yana bir shoirni dunyoga keltirdi.

Oshiqning eng go'zal hasratlarini mana bunday ochib berish har qaysi shoirning ham qo'lidan kelavermaydi. "Sevaman", deya jar solayotgan har oshiqning dardi doim ham butun bo'lavermaydi.

*"Qorlar erib,
sovuqlar ketib,
Vujudin tark etib
karaxtlik.
O'zini bir boshqacha tutib,
tili chiqib qoldi
daraxtning".*

Bahor kelishi, daraxtlarning kurtak ochib ko'klay boshlashini bunday go'zal ifoda etish – men tanigan ko'ksiga mushtlab yurgan shoirlarimizning ko'pchiligida uchramaydi.

*"...o'zini bir boshqacha tutib,
tili chiqib qoldi
daraxtning".*

Bahor nafasini tuygan daraxtlarning olamga viqor bilan boqishiga qachon ko'zi tushdi ekan deb, hayratim dashtlariga o't qo'yib yuborgan bu misralar va bahor haqida uzun xayollar domiga cho'mib qolaman.

"Tili chiqib qoldi daraxtning"

Ehh, deyman-u, labimni tishlagancha keyingi she'rga cho'k tushaman:

*"Ertakdagi kalava misol
menga yo'l ko'rsatib borar yo'l.
Ketayapman yo'lning izmida".
Umrimiz bir yo'ldir!
Yo'ldan chiqib ham yo'lga tutilamiz.*

Taqdir izmidagi hayotimizni nechog'li to'g'ri yo xatoligini o'zimiz hech qachon anglamaymiz. Shoir ham bir yo'lovchiman, deya pichirlaydi. Xato yo'l ham yo'l ekanini unutmaydi. Men adashdim, to'g'ri yo'limdan chiqib ketdim, deya uzundan uzun pushaymonlar bitib, qog'ozni isrof qilmaydi.

Ketyapmaaan taqdir izmida, deya yo'lida davom etadi. Tilardimki, shoiming ijod yo'llari doim yorug' va ravon bo'lsin!

Jiyanim Zilola xotirasiga

*"Eski bir hovuz edi,
isming eshitib,
Zilol bo'lgisi keldi".*

*"Fig'onimdan kuydi olam,
Seni yerga ekdim, bolam.
So'ng sug'ordim to'kib jolam,
Ko'kar, maysam! Ko'kar, maysam!
Tor yelkamda ming bir dardim,
Lek shu dardni dast ko'tardim.
Alamimdan men ko'kardim,
Xo'sh, sen nega ko'karmaysan.
Ko'kar, maysam! Ko'kar, maysam!"*

Bu she'rlar haqida esa men og'iz juftlab nimalardir deyishga ojizman.

Shuni aytishim mumkinki, bu misralar dard-u hasratning tirik ko'rinishidir.

Kitobni o'qib tugatar ekanman, bir narsani tushunib yetdimki, baxti, armoni bir bo'lgan zamondosh ijodkorlar bizga ko'proq yaqinroq bo'lar ekan. Sen bilan bir havodan nafas olib, seni qiynagan og'riqlar bilan og'rishning o'zi o'rtadagi chegaralarni olib tashlaydi. Muhiddin aka – asl shoir, dilida ozgina yomonligi bo'lgan inson so'z qoshida mardonovor tura olmaydi. Agar bu kitobga men nimadir deyishga haqli bo'lsam, "Iztirobning lirikasi" deya nomlagan bo'lardim.

"Uchayotgan kipriklar" – bu kitob haqida juda uzoq so'zlashim mumkin.

Men hozir yana takrorlayversam, butun boshli kitobni ko'chirib qo'yishimga to'g'ri keladi.

Muhiddin aka, "Uchayotgan kipriklar" o'z xizmat vazifasini bajardi. Yuragingizdan to'kilgan baxt-u armonlaringiz bir tolibingizning ko'ngil aeroportiga kelib qo'ndi. Har ko'ngilda siz uchirgan go'zal she'rlar o'z o'rini topmog'ini tilayman. Sizga ulkan hurmat bilan

Muhammadali G'AFFOROV,
"Vatanparvar"

Vatan ravnaqi, tinchligi va himoyasi yo'lidagi qahramonlik unutilmaydi!



JANGGOHLARDA ULG'AYGAN O'ZBEK QIZI

Katta muhoraba janggohlarida bo'lgan o'zbek ayoli bilan hech suhbatlashganmisiz? Olov qa'rida kechgan dardli xotiralariga sherik bo'lib, ko'ksidagi og'riqli armonlarni his etganmisiz? Ha, biz momolarimizdan urush yillarida xalq boshiga tushgan azob-u uqubatlar, ocharchilig-u qahatchiliklar haqida ko'p eshitganmiz. Ularning biz uchun ertaknamo bo'lgan xotiralarini bolalik shuurimiz ila dilga muhrlaganmiz. Ammo ayni navqiron yoshda urushga otlangan, yoshlik umri janggohlarda kechgan o'zbek ayoli bilan urush xotiralariga singimoq barchaga ham nasib etmagani aniq. Uning dardiga ro'baro' bo'lmoq esa sizdan bir qadar matonat talab etadi.

2016-yili xizmat safari bilan Buxoro shahrida bo'lganimda Ikkinchi jahon urushi ishtirokchisi kichik serjant Nazira Tairova haqida eshitib, 93 yoshli onaxonning istiqboliga shoshildim, suhbatlaridan bahramand bo'ldim. O'n sakkiz yoshida frontga otlanib, o'n yil navqiron umri urushga qurbon qilingan o'zbek qizining xotiralarini yuragimdan unutilmas joy egalladi. Bu gal esa ya'ni oradan to'qqiz yil o'tib, onaxonning farzandlari Tohir aka va Roziya opa bilan Nazira onaxonimizni xotirladik.

Ayriqliqning azobli yillari

1930-yil. Yetti yoshli Nazira, uch yoshli Ruqiyani bolalar uyiga kelganiga bir haftadan oshdi.

Qizaloqlar har kuni yetimxona darvozasiga termilib ota-onalarini kutishadi. Ularning murg'ak qalbi otalari Mirjalol aka, onalari Bahshanda opadan bevaqt ayrilganini hamon anglab yetgani yo'q. O'lim degan ayriqliq azobini tushunib yetganlarida esa ularning nozik qalbi qay darajada o'rtanganini anglamoq mushkul. Ayriqliq dardiga yelka tutgan nozik vujudlar, sog'inch, iztirob, armon... Yetimlikka mahkum etilgan bolalik onlari, achchiq ko'z yoshlar. Bir-biriga tayanch bo'lib, hayot sinovlarini yengib, yashashga kuch topgan o'ksik dillar...

1941-yil. Nazira 18 yoshga to'ldi. Buxoro pedagogika texnikumiga o'qishga kirgan go'zal

qizning orzulari o'zi yanglig' go'zal va beg'ubor. Biroq bu orzularga fashizm balosi atalmish ofat chang solishi uning xayoliga ham kelmagan. Ko'p o'tmay, bu achchiq haqiqat bo'y ko'rsatib ulgurdi. Ikkinchi jahon urushining olovli na'rasi boshqa mamlakatlar qatorida yurtimiz ahlini ham larzaga soldi.

Buxoro shahri mudofaa ishlari boshqarmasi erkaklar bilan gavjum. Ularning qatorida noziknihol Nazira ham bor.

Nazira Tairova, mana, 18 yoshga to'libsan. Ota-onangdan yetim qolganingda davlat seni boqdi, ulg'aytirdi, bilim berdi. Buni qaytarish navbati endi senga keldi. Urushga borib, burchingni bajarishga tayyormisan?

– Qo'limdan kelganicha xizmat qilishga tayyorman! Faqat mening kasbim... – harbiy libosdagi salobatli boshqarma boshlig'i oldida hayajonlanib turgan qizning so'zini uning qat'iy buyrug'i bo'ldi.

– Kerakli sohaga o'zimiz tayyorlaymiz, ertaga xizmatga jo'naysan!

Ma'lum vaqt Toshkentda aloqa yo'nalishida tahsil olgan Nazira harbiy eshelonda frontga yo'l oldi.

Aslida bu zalvarli yuk erkaklar ilkiga yuklatilgan. Qonli janggohlarda erkaklar bilan bir safda bo'lish, yonginasida jon taslim etgan safdoshining qonli jasadida ustida borliqni unutish, chidab bo'lmas qahraton-u ochin-to'qinlikka qaramay, faqat oldinga intilish, razvedka jarayonida parashyut bilan sakrash, har qadamda o'lim bilan ro'baro' bo'lish... Nazira opaga bu kabi xotiralar hayotining so'ngiga qadar umrsherik bo'lgani aniq.

Hayotning ulug' siylovi

Xalqimizda yetimning yori Alloh, degan purma'no naql bor. Nazira urush suronlarida kechgan eng og'ir damlarda ota-onasi bilan o'tkazgan bolalikning shirin xotiralarini, bolalar uyida qolgan yolg'izgina singlisining sog'inch taftiga suyandi. Janggohlarda ko'p bora fano farishtasi uni chetlab o'tdi. Buxorodek shahri azimda tug'ilgan qizni ulug' ajdodlarning ruhi qo'llab turgan bo'lsa, ajabmas.

1945-yili nihoyat, fashizm balosi parchalanib, g'alaba tug'i ko'tarildi. Ammo kichik serjant Nazira Tairova kabi sinovlarda toblangan, tajribali aloqachilar hamon xizmatda. Ular ko'plab davlatlarni qamrab olgan Ikkinchi jahon urushi olovini o'chirishga safarbar etilgan. Biroq Nazirani Mongoliya hududida qattiq tobi qochdi va ortga qaytarildi. Lekin ona yurtiga qaytishiga izn berilmadi, xizmatda qoldi. Singlisi Ruqiyaning iltimosi bilangina, 1951-yili ko'ksi to'la orden va medallar bilan Buxoroga qaytish nasib etdi. Janggohlarda ulg'aygan qizni hayotning ulug' siylovlari kutmoqda edi. U ham boshqa qizlar qatori sevdi, sevidi. 1953-yili o'zi kabi bolalar uyida ulg'aygan Samad Shokirov bilan oila qurdi.

Rahimaxon, Roziyaxon, Tohirjon, Bahodirjon, Botirjon oilani birin-ketin to'ldirgan besh farzand bolalik chog'laridanoq yaqinlaridan ayrilgan bag'rikuyik ikki insonning baxt quvonchiga aylandi. Ota-onaning tarbiyasi, mehr-u muhabbati ostida ulg'aygan bir-biridan aqlli va zukko, bilimdon farzandlar turli sohalarda o'rin topib, yetuk insonlar safiga qo'shildi. Shifokor, iqtisodchi, muhandis, haydovchi. Ular ota-onalari kabi yurt xizmatida bo'ldi. 2017-yili 94 yoshida bu dunyoni tark etgan Nazira aya esa umrining oxiriga qadar el-yurt e'tiborida umrguzaronlik qildi.

– Onam baxtli ayollardan edi, hamisha o'g'il-qizlar, nabira va evaralar ardoga bo'ldi, – deya xotirlaydi qizi Roziya opa. – Dadam bilan 50 yil baxtli hayot kechirdi. O'zlari aytganlaridek, hayot sinovlarini birgalikda qo'shqanot bo'lib yengib yashadi. Onamning g'ayrati, tinib-tinchimasligi barchamizga o'rnak. Volidam 63 yoshga qadar davlat ishlarida faoliyat yuritgan. 94 yoshda olamdan o'tgan bo'lsa, o'sha ulug'

yoshda ham qandaydir yumush bilan band bo'lgilari kelardi. Ular hamma havas qiladigan, duolarini olishga intiladigan pir-u badavlat onaxon edi. Nafaqat biz, farzandlar, balki 14 nabira va 25 evara ular bilan faxrlanadi. Nabiralarning deyarli barchasi oliy ma'lumotli, nufuzli sohalarda faoliyat yuritadi. Eng asosiysi, ular duogo'y buvijonlarini unutmaydilar, o'git va nasihatlarini hamisha yodda saqlashadi. Bir so'z bilan aytganda, onamning hayoti, sabr-u qanoati, ayollik sha'ni va g'ururi bizga har tomonlama o'rnak. Xotiralarini esa aziz va qadrli.

E'tirof, ardoq va e'zozda kechgan umr

Nazira aya o'zbek ayolining sabr-bardoshli, oqila, mehnatkash vakilasi sifatida davlatimiz g'amxo'rliqi ostida e'tibor va e'zozda yashab o'tdi. Onaxon Ikkinchi jahon urushi qatnashchisi sifatida davlat va jamoat tashkilotlarida, ayniqsa ta'lim dargohlarida bo'lib o'tadigan tadbirlarda ishtirok etib, urush voqealari, tinchlikning qadriga yetish, hurlikni asrash kabi suhbatlaridan yoshlarni bahramand etardi. Ularning hayot yo'li yoshlarga har tomonlama ibrat edi.

Nazira ayaning huzurida bo'lganim hamon yodimda. Boshlarida o'zbekona oq ro'mol, 93 yoshda ham qosh-ko'zlari qora, nuroniy chehrasida nim tabassum, mehmonlarga bag'riochiq, fikrlari tiniq, suhbatlari maroqli. Ayol necha yoshda bo'lmasin, hamisha go'zallikka oshno deganlaridek, ularga taqdim etilgan gullarga ko'zlari quvnab termilar ekan, e'zoz va ehtirom uchun duoga qo'l ochdi. El-u yurtga, ularni yo'qlovchilarga ezgu niyatlar bildirdi. Janggohdagi xotiralarga to'xtalib o'tdi:

– Hayotimdagi o'tgan kunlar, urush voqealari haqida gapirsam kecha-yu kunduz yetmaydi. Urush ofatini, ayriqliqning azob-uqubatlarini biz ko'rdik, ilohim farzandlarimiz, avlodlarimiz ko'rmasin. Bunday dorilamon kunlarning qadriga yetish, asrash lozim. Men kechgan hayotimdan mamnunman. Chunki davlatimiz va farzandlarim ardog'idaman. Urushda kechgan yillar esa yuragimda yashaydi...

Nazira ayaning ko'ksini to'ldirib turgan orden va medallar hamon ko'z oldimda. "Jasorat uchun", "Qahramonligi uchun" hamda g'alabaniy yubiley sanalarida berilgan orden va medallar, 1994-yili taqdim etilgan "Jasorat" va "Shuhrat" medallari, "G'alabaniy 60 yilligi", "G'alabaniy 70 yilligi" yubiley medallari To'maris avlodi bo'lgan o'zbek ayoli xizmatiga berilgan yuksak e'tibor va e'tirofdir.

Ikkinchi jahon urushi qatnashchisi kichik serjant Nazira Tairova haqida so'z yuritir ekanman. Yillar o'taveradi, ona yurtimiz charog'on kunlarga yuz tutaveradi, millatimiz hayotida kechgan moziyning og'riqli yillari ortga chekinaveradi. Biroq Nazira aya singari zabardast insonlarning umr yo'li tarix sahifalariga muhrlanib, o'zbek qizining jasorati, matonati avlodlar uchun ibrat maktabi sifatida saqlanib qoladi.

Zulfiya YUNUSOVA,
"Vatanparvar"

Muloqot

Yangi O'zbekistonda yosh avlodni barkamol inson sifatida tarbiyalash, mustaqil hayotga qadam qo'yishlari uchun barcha sharoitlarni yaratish yo'lida tizimli ishlar amalga oshirilmoqdaki, bu o'z navbatida, jonajon Vatanimizning har jihatdan salohiyatli, vatanparvar, fidoyi farzandlari safi yildan yilga kengayishini ta'minlaydi.



GENERAL VA YOSHLAR UCHRASHUVI

Favqulodda vaziyatlar vazirligi akademiyasida yoshlarni vatanparvarlik, ona yurtga muhabbat va sadoqat ruhida tarbiyalash hamda ustozlar hayot maktabini yanada chuqurroq bilish va o'rganish maqsadida general va yoshlar uchrashuvi tashkil etildi.

Unda Favqulodda vaziyatlar vazirligi faxriylari general-polkovnik Qobul Berdiyev, general-mayor Ravshan Xaydarov, O'zbekiston Respublikasi Prokuraturasi faxriylarini ijtimoiy qo'llab-quvvatlash jamoatchilik markazi raisi III darajali davlat adliya maslahatchisi Botir Kalonov,

O'zbekiston Respublikasi Huquqni muhofaza qilish akademiyasi kafedra boshlig'i III darajali davlat adliya maslahatchisi Shuxrat Uzakov, Huquqni muhofaza qilish akademiyasi professorlari – III darajali davlat adliya maslahatchilari Baxtiyor Po'latov, Faxri Rahimov, akademiya professor-o'qituvchilari, harbiy xizmatchilar va kursantlar ishtirok etdi.

Tadbirni akademiya boshlig'i yuridik fanlari doktori, professor, polkovnik Muzaffar Mamasiddiqov ochib, harbiy sohada uzoq yillar xizmat qilgan yoshi ulug' ustoz generallarni hayoti va

mehnat faoliyati davomida to'plagan boy tajribasi, yoshlik davridagi o'ziga xos qiyinchiliklari, mehnat pallasidagi mashaqqatlari haqida samimiy fikrlarini bildirdi. Shuningdek, u mamlakatimizda yoshlarning iqtidorini namoyon etish va har tomonlama qo'llab-quvvatlash borasida amalga oshirilayotgan ishlar, harbiy kasbning nufuzi va mas'uliyati xususida to'xtaldi.

So'z olganlar yoshlar bilan bo'ladigan har qanday uchrashuv va muloqotlardan cheksiz kuch-quvvat va ko'tarinki ruh olishlarini alohida ta'kidladi.

Tadbir davlatimiz rahbari tashabbusi bilan jamiyatimizning har bir a'zosiga, ayniqsa yoshlarga g'amxo'rlik, mehr-oqibat ko'rsatilayotgani, orzu-niyatlarini ro'yobga chiqarishga imkoniyat yaratib berish ustuvor vazifaga aylangani e'tirof etildi. Yoshlarimiz bugungi kunda yaratib berilayotgan ulkan sharoitlardan unumli foydalangan holda, Vatanimiz ravnaqiga munosib hissa qo'shib, kelajakda o'z sohasining yetuk mutaxassislari bo'lishi ta'kidlandi.

Uchrashuv davomida general-polkovnik Qobul Berdiyevni qutlug' 70 yosh yubileyi munosabati bilan Mudofaa vazirligi, akademiya rahbariyatining tabrik va esdalik sovg'alari topshirildi.

– Ustozlar o'z tajribalaridan so'zlab bergan hayotiy saboqlar, chunonchi qalblarida jo'sh urgan vatanparvarlik tuyg'usi har qanday mashaqqatli vaziyatda ularga kuch va shijoat bergani, xalqimiz oldidagi farzandlik burchi esa doimo o'z vazifalariga fidoyilik va mas'uliyat bilan yondashishga undagani ishtirokchilar, ayniqsa yoshlardagi Vatanga bo'lgan muhabbat va sadoqat hissini yanada to'liqlantirib yubordi, – deydi kapitan Firdavs Karimov.

Uchrashuv yakunida generallar akademiyaning "Faxriy mehmonlar" kitobiga o'zlarining ezgu niyatlari, o'g'itlarini esdalik sifatida yozib qoldirdi.

Mayor Farhodjon XOJAYEV,
Favqulodda vaziyatlar vazirligi akademiyasi katta o'qituvchisi

Xotira aziz



MEHNATDA O'TGAN UMR

Mamlakatimizda Ikkinchi jahon urushida qozonilgan g'alabaga hissa qo'shgan urush va mehnat faxriylariga, shuningdek mustaqillik yillarida xizmat burchini bajarish chog'ida halok bo'lgan harbiy xizmatchilar va huquqni muhofaza qiluvchi organlar xodimlari xotirasini ulug'lash olijanob qadriyatga aylangan.

Vatanimiz tarixida o'zining jasorati, mehnatsevarligi va sadoqati bilan unutilmas iz qoldirgan insonlardan biri – bu Allam Matkarimov. U 1922-yilda Xorazm viloyati, Gurlan tumani, Vazir qishlog'ida tavallud topgan. Yoshlik yillaridanoq mehnatsevar, halol va fidoyi inson sifatida tanilgan.

Ikkinchi jahon urushi xalqimiz hayotiga ulkan sinovlar olib kelgan. Fashizm ustidan qozonilgan g'alaba yo'lida o'zbekistonliklar, jumladan xorazmliklar ham jonbozlik bilan qatnashdi. Tarixiy manbalarga ko'ra, Xorazm viloyatidan 9 791 nafar inson urushga safarbar etilgan. Ular orasida Allam Matkarimov ham bor edi.

Urushdan keyin 1947-yildan boshlab, u Gurlan tumanidagi kolxozda samarali mehnat qilgan. Allam Matkarimov oddiy kolxozchidan boshlab, brigadir darajasiga qadar ko'tarilgan. U mehnatsevarligi va tashkiliy salohiyati tufayli ko'plab yutuqlarga erishgan va mukofotlar bilan taqdirlangan.

Allam Matkarimov nafaqat mehnatda, balki oilaviy hayotda ham namunali inson bo'lgan. U 10 nafar farzandni voyaga yetkazgan, ularni halol mehnat va vatanparvarlik ruhida tarbiyalagan. Bu jihatdan ham u munosib ota, fidoyi inson sifatida esda qolgan. U 2004-yilda Gurlan tumanida Vazir qishlog'ida 82 yoshida vafot etgan.

Bugun Allam Matkarimovning hayoti va ibratli faoliyati nafaqat o'z avlodlari, balki barcha yurtdoshlarimiz uchun o'rnak bo'lib xizmat qilmoqda.

Mira BEKCHANOVA,
Jamoat xavfsizligi universiteti o'qituvchisi, (PhD)

Daxldorlik masalasi

Yoshlarda vatanparvarlik



Barcha davrlarda oilada bola tarbiyasi dolzarb masalalardan biri hisoblanadi. Yoshlarni komil inson qilib tarbiyalashda oilaning roli beqiyosdir. Ijtimoiy hayotning barcha jabhalarida bo'layotgan tub o'zgarishlar oilada bola tarbiyasiga ijobiy ta'sir ko'rsatmoqda. Kelajagi buyuk davlatlarning barpo etilishi, asosan yoshlarning qanday tarbiya olishiga bog'liq. A. Avloniy aytganidek, "Tarbiya biz uchun yo hayot – yo mamot, yo najot – yo halokat, yo saodat – yo falokat masalasidir".

Vatan ostonadan boshlanadi, degan ibora bejiz aytilmagan. Vatanni sevisha esa ota-onani sevishidir. Ota-onaning bolaga bo'lgan mehr-muhabbati Vatanga bo'lgan muhabbat bilan yo'g'rilishi zarur. Oila va oilaviy munosabatlarga yondashish, bolalarda o'zaro hamjihatlik, kattalarga hurmat, kichiklarga izzat, el-yurtga muhabbat, ota-onani qadrlash kabi tushunchalarni singdirish zarur.

Bolalarda Vatanga va ona yurtga bo'lgan muhabbatni o'stirishga olib keladigan dastlabki saboqlar oilada berilishi kerak. Ota-onalar, ajdodlarimizning ona Vatanga mehr-muhabbatini va uning yo'lida qilingan qahramonliklarini misol tariqasida so'zlab berishlari muhimdir. Bunday tarbiya, bolalarga o'z tarixini, madaniyatini va an'analarini o'rganishga yordam beradi. **Yoshlar ongida vatanparvarlik**

HISSINI SHAKLLANTIRISH – DAVR TALABI

tuyg'usini yuksaltirish, kuchli jamiyat barpo etishda muhim ahamiyatga ega. Bu fuqarolik mas'uliyatini tarbiyalaydi, jamiyat hamjihatligini ta'minlaydi va millat taraqqiyoti yo'lida faol ishtirok etishga undaydi.

Yoshlarga vatanparvarlik tuyg'usining ahamiyatini anglashda ularga ibrat bo'lish zarur. Kattalar millatga, uning institutlariga hurmat ko'rsatish orqali yosh avlodni o'z mamlakatini qadrlashga ilhomlantirishi mumkin. Umuman olganda, yoshlarda vatanparvarlikni tarbiyalash oilalar, maktablar, mahallalar va davlat muassasalarining birgalikdagi sa'y-harakatlarini talab qiladi.

MILLIY VATANPARVARLIK, o'zbek xalqining qon-qoniga singib ketgan iymon, mehr-muhabbat va sadoqat kabi axloqiy-ma'naviy qadriyatlar yig'indisidir. Ta'lim muassasalarida ham vatanparvarlik tuyg'usini shakllantirish ta'limning asosiy mazmunini tashkil etadi. O'zbekistonning davlat ramzlari, milliy tarix va madaniyat, o'zbek tili va Konstitutsiya kabi tushunchalar, madaniy-ma'rifiy faoliyatda o'z aksini topadi.

O'zbek xalqi o'z milliyligi, mehr-oqibat, urf-odatlar va mehnatsevarligi bilan boshqa xalqlardan ajralib turadi. Barkamol avlod tarbiyasi, uning kamolotiga oid masalalarni o'zida mujassam etadi.

Barkamol shaxs tarbiyasida vatanparvarlik, insonparvarlik,

mehnatsevarlik kabi fazilatlar muhim ahamiyatga ega.

YOSHLARNI TARBIYALASHDA barcha umumta'lim maktablari zimmasiga yuklatilgan vazifalar ijodiy intilishni vujudga keltirishga asosiy omil hisoblanadi. Ilg'or g'oyalarni zamonaviy ruhda tushuntirish o'g'il-qizlarni tarbiyalash uchun boy manba bo'lib xizmat qiladi. Vatanparvarlik tushunchasi ko'pincha harbiy faoliyatga nisbatan ishlatilsa-da, bu tuyg'uni barcha faoliyat doirasida ko'rish maqsadga muvofiqdir.

Muhtaram Prezidentimiz Shavkat Mirziyoyev boshchiligidagi **yoshlarni qo'llab-quvvatlash va ularning ma'naviy rivojlanishiga qaratilgan sa'y-harakatlar, bugungi kunda eng muhim vazifalardan biridir.** Globalashayotgan dunyoda yoshlar ongiga salbiy ta'sir etayotgan ommaviy madaniyat unsurlarining milliy mafkuramizga suqilib kirishi va axborot texnologiyalari xatarlarining kuchayishi sababli yoshlarning baxtli kelajagini ko'zlab, qo'shimcha choralar ko'rish muhimdir.

Shunday qilib, yoshlar tarbiyasida vatanparvarlik hissini shakllantirish, faqatgina tarbiyachilar va o'qituvchilar emas, balki har birimizning vazifamizdir.

Mamadoli ISAQULOV,
Jizzax davlat pedagogika universiteti
katta o'qituvchisi, PhD

Armiya va yoshlar

YOSHLAR BILAN ISHLASH NATIJADORLIGI OSHIRILMOQDA



So'nggi yillarda mamlakatimizda yosh avlod kamoloti, salomatligi, ularning ilm olishi, kasb-hunar egallashi va vatanparvar, ertangi kun uchun munosib voris bo'lib ulg'ayishiga katta ahamiyat berilib, bu jarayon davlat siyosati darajasiga ko'tarildi. Bir so'z bilan ifoda etganda, Vatanimiz taqdiri va kelajagi uchun daxldorlik va mas'uliyat hissini oshirish, yot g'oyalarga qarshi mafkuraviy immunitetni kuchaytirishga yo'naltirilgan targ'ibot tizimi shakllandi.



Davlatimiz rahbari raisligida joriy yilning 14-fevral kuni yoshlar bilan ishlash natijadorligini yanada oshirish chora-tadbirlari to'g'risida yoshlar bilan o'tkazilgan videoselektor yig'ilishida, o'g'il-qizlarni har tomonlama qo'llab-quvvatlashga qaratilgan bir qancha muhim masalalar muhokama qilindi. Ertamiz egalari vatanparvarlik ruhida tarbiyalash, ularning ong-u shuurini ezgu maqsadlar sari yo'naltirib, kasb-hunar egallashi, jamiyatda o'z o'rnini topishiga ko'maklashish borasida qator imtiyoz va imkoniyatlar berildi.

Albatta, bu borada harbiylar bilan aholining, ayniqsa yoshlarining hamkorligi juda yaxshi natijalarni berayotgani hech kimga sir emas. Chunki bunday hamkorlik jamiyatda yoshlarning milliy o'zlik va Vatanga sadoqat ruhida tarbiyalanishini hamda ularning faol ijtimoiy pozitsiyaga ega bo'lishini

ta'minlashga xizmat qilmoqda. Jumladan, Surxondaryo viloyatida ham kuch tuzilmalari bilan birgalikda mazkur yo'nalish bo'yicha manzilli, amaliy ishlar olib borilmoqda.

Mazkur tadbirlar doirasida "Armiya va xalq – bir tan-u, bir jon!" shiori ostida o'tkazilayotgan tadbirlar harbiy qismlar va jamoatchilik o'rtasidagi hamkorlikni yanada mustahkamlashga xizmat qilmoqda. Ayniqsa, harbiy qismlarning umumiy o'rta ta'lim maktablariga birlashtirilishi va maktablarda chaqiruvga qadar boshlang'ich tayyorgarlik fanining keng miqyosda o'tkazilishi yoshlarning harbiy xizmatga bo'lgan qiziqishini yanada oshirishda katta rol o'ynamoqda.

III darajali serjant
Akbar AHMEDOV
Termiz garnizoni

Yaxshi qo'shnicilik

DO'STLIK VA ISHONCH NIHOLLARI

O'zbekiston, Tojikiston va Qirg'iziston davlat chegaralarining tutash nuqtasi oldidagi Farg'ona viloyati O'zbekiston tumanining hududida yashil bog' barpo etiladi. Yangi bog' uchun mazkur hududdan 15 gektar maydon ajratilgan bo'lib, bu yerga 10 ming tup ko'chat ekish rejalashtirilgan.

Alohida ishlov berilgan bu hududda Sharqiy harbiy okrug harbiy xizmatchilari hamkor tashkilotlar vakillari bilan birgalikda daraxt ko'chatlari ekish ishlarini boshlab yuborgan.

Joriy yilning 31-mart kuni davlat rahbarlari tomonidan O'zbekiston, Tojikiston va Qirg'iziston davlat chegaralarining tutash nuqtasi to'g'risidagi tarixiy shartnoma imzolandi. Xo'jand shahrida o'tkazilgan oliy darajadagi tadbirlar doirasida O'zbekiston Respublikasi Prezidenti Shavkat

Mirziyoyev, Tojikiston Respublikasi Prezidenti Emomali Rahmon va Qirg'iz Respublikasi Prezidenti Sadir Japarov uch mamlakat chegaralari tutashgan hududda "Do'stlik" stelasini tantanali ravishda ochdi.

Ushbu bog' ham mazkur yodgorlik bilan hamohang ravishda qardosh

mamlakatlarimiz o'rtasidagi do'stlik, yaxshi qo'shnicilik, ishonch va strategik sheriklik munosabatlari mustahkamlanib borayotganining yangi ramzi bo'ladi. Farg'ona viloyati hududida barpo etiladigan yashil bog' yaqin yillar ichida yashillikka burkangan, obod va xushmanzara joyga aylanadi.



Bunyodkorlik

JASORAT RUHINI UYG'OTUVCHI MASKAN

Sharqiy harbiy okrug Farg'ona garnizonidagi harbiy qism hududida "Jasorat maktabi" loyihasi uchun zamonaviy o'quv binosi va yotoqxona, shuningdek "Farg'ona" dala-o'quv maydonida harbiy xizmatchilar uchun mo'ljallangan yangi oshxona foydalanishga topshirildi.



Mazkur binolarning ochilish marosimiga bag'ishlangan tantanali tadbirda Sharqiy harbiy okrug qo'shinlari qo'mondoni general-mayor Aybek Saidov, Farg'ona viloyati hokimi, harbiy-ma'muriy sektor rahbari Xayrullo Bozorov, harbiy xizmatchilar, faxriylar

hamda keng jamoatchilik vakillari ishtirok etdi.

Tadbirda so'zga chiqqanlar Qurolli Kuchlarimizda olib borilayotgan keng qamrovli islohotlar haqida fikr yuritib, navqiron avlodni harbiy-vatanparvarlik ruhida tarbiyalash davlat siyosatining ustuvor

yo'nalishlaridan biri ekanini ta'kidladi. Darhaqiqat, "Jasorat maktabi" harbiy-vatanparvarlik o'quv yig'inlarini o'tkazish uchun bu yerda yaratilgan shart-sharoitlar yoshlarni jismonan chiniqtirish, ularning ongida Vatanga muhabbat, fidoyilik, mas'uliyat kabi

fazilatlarni shakllantirishda muhim o'rin tutadi.

Yangi foydalanishga topshirilgan o'quv binoning birinchi qavatida 100 o'rinli sinfxona, ikkinchi qavatida esa yotoqxona va maishiy xizmat xonalari tashkil etilgan. Bu infratuzilma "Jasorat maktabi"

doirasida o'tkaziladigan harbiy o'quv yig'inlarining sifatini yanada oshirishga xizmat qiladi.

Shu bilan birga, "Farg'ona" dala-o'quv maydonida zamon talablari asosida barpo etilib, foydalanishga topshirilgan oshxona endilikda yurt o'lonlari uchun katta qulaylik yaratadi.

Ijtimoiy himoya

Salomatlik – insonning jismoniy va ma'naviy xususiyatlarining yig'indisi. Zero bejiz dono xalqimiz “Sog'lom tanda – sog' aql” deyishmagan. Shuning uchun ham harbiy xizmatchining o'zi va oilasining tinchligi, salomatligini ta'minlash davlatimizning ustuvor maqsadlaridan biri bo'lib kelmoqda.



CHUQURLASHTIRILGAN

TIBBIY KO'RIK



Termiz harbiy hospitalida Sog'liqni saqlash vazirligi, Markaziy harbiy klinik hospitali hamkorligida harbiy xizmatchilar va ularning oila a'zolari uchun tashkil etilgan chuqurlashtirilgan tibbiy

ko'rik ham ana shu ezgu maqsadga xizmat qildi.

Tibbiy ko'rik asosan, onkologik kasalliklarning oldini olishga qaratildi. Shu bilan birga, jarayonda okulist, pediatr, mammolog,

travmatolog, terapevt, onkoginekolog, dermatolog, stomatolog, oftalmolog, lor, nevrolog, endokrinolog kabi yo'nalishlarda shifokorlar ko'rigi, UTT va EKG tekshiruvlari o'tkazildi. Shu kuni ayollar ishtirokida “Xotin-qizlar reproduktiv salomatligi – sog'lom kelajak asosi!” mavzusida profilaktik suhbatlar ham tashkil etildi.

Ta'kidlash joizki, o'tkazilayotgan bu kabi tadbirlar yurt himoyachilarining oila a'zolari o'rtasida sog'lom turmush tarzini keng targ'ib etish bilan bir qatorda, mavjud kasalliklarni barvaqt aniqlash va davolash, shu orqali xastaliklarning

surunkali holatga o'tib ketishining oldini olishi bilan qimmatlidir.

**III darajali serjant
Akbar AHMEDOV**
Termiz garnizoni

Ma'naviyat

Vatanni QO'RIQLAR YIGITNING MARDI

Qurolli Kuchlar akademiyasi o'quv jarayonini ta'minlash bazasida “Vatanni qo'riqlar yigitning mardi” mavzusida ma'naviy-ma'rifiy tadbir o'tkazildi.

Unda Mudofaa vazirligi huzuridagi Jamoatchilik kengashi hamda faxriylar ishlari bo'yicha Toshkent viloyati kengashi, Chirchiq shahri “Nuroni” jamg'armasi a'zolari va muddatli harbiy xizmatga yangi chaqirilgan askarlar ishtirok etdi.

Tadbirida so'z olganlar harbiy xizmatchilarning jangovar ruhini



oshirishda ma'naviyatning o'zni, yurtimizda yoshlar uchun yaratilgan imkoniyatlar, xalq va armiya birdamligi yo'lida olib borilayotgan ishlar yuzasidan fikr yuritdi.

Haqiqatan, milliy armiyamizda yurt o'g'lonlari harbiy sohani puxta egallash bilan bir vaqtda, jismoniy va ma'naviy jihatdan chiniqib, irodasi toblanib, hayotiy qarashlari shakllanib, Vatan himoyasiga doim tayyor, mard va jasur insonlar bo'lib yetishib chiqmoqda.

Tadbir davomida shoirlar tomonidan ijro etilgan she'rlar, “O'zbekkonsert” davlat

muassasasi Chirchiq shahar bo'limi hamda Chirchiq garnizoni ma'naviyat va ma'rifat markazi ansambli san'atkorlarining kuy-qo'shiqlari ishtirokchilarda katta taassurot qoldirdi.

Bu kabi ma'naviy uchrashuvlarning o'tkazilishi harbiy xizmatchilarning jangovar ruhini oshirishi, “Xalq va armiya – bir tan-u bir jon!” degan ezgu g'oyani amaldagi ro'yobi hamda yosh avlodni vatanparvarlik ruhida tarbiyalashi bilan ham ahamiyatlidir.

Sherzod EGAMBERDIYEV,
“Vatanparvar”



Askar bo'lar yigitning mardi

Kasblar festivali

O'G'LONLAR MASHG'ULOTLARDA TOBLANMOQDA

Toshkent harbiy okrugi qo'shinlari qo'mondonligi mas'ul ofitserlari, harbiy psixolog Vatan oldidagi muqaddas va sharaflı burchini bajarish uchun kelgan muddatli harbiy xizmatchilar bilan suhbat o'tkazdi.



O'g'lonlar orasida Toshkent davlat texnika universiteti bitiruvchisi Humoyun Xolmurodovlar ham bor. U yigitlik burchini ado etish uchun hayot maktabida toblanib, kelgusi faoliyatini armiya saflarida davom ettirishni maqsad qilgan. Humoyun singari mazkur sohadagi zarur ko'nikmalarni egallab, taqdirini sharaflı kasbga bog'lashni niyat qilgan azamatlar talaygina. Mutaxassislar suhbat asnosida askarlarga bukılmas iroda va matonat tilab, keraklı tavsiyalarnı berdı.

Aynı paytda jasur o'g'lonlar bilan bir oylik yig'in mashg'uloti o'tkazılmoqda. Yig'inga bıriktırılğan malakalı ofitser va serjantlar endıgına armıya hayotıga kırıb kelğan chaqırıluvchılarga harbıycha hayot tarzıga tez va oson moslashıshları uchun ko'mak bermoqda. Shunıngdek, ular Vatanga qasamyod tadbırlarına tadorık ko'rmoqda.

Chırchiq garnizonıdagi harbıy qısmda o'tkazılğan qo'mondon va yoshlar uchrashuvıda muddatlı harbıy xızmatchılar bilan bırgalıkdá "Jasorat maktabı" o'quv yig'ını o'quvchıları ham ishtırok etdı. Unda Toshkent harbıy okrugi qo'shinlari qo'mondonı polkovnik Zokırjon Sayfuddinov, Toshkent shahrı hokımı o'rinbosarı Durdona Rahımova, viloyat mudofaa ishları boshqarması xodımları mamlakatımızda yoshlarga qaratılavotğan e'tıbor hamda yaratılavotğan imkonıyatlar xususıda ma'lumot berıb, yigıt-qızlarınıng taklıf va muammolarını tıngladı, ular tomonıdan berılğan savollarga atrofılıcha javob berdı.

Umuman olganda, egnıga askarlık libosını kıyıyın muddatlı harbıy xızmatchılarnıng har kuni sermazmun o'tıb, faol va tashabbuskor yoshlarınıng harbıylıkka, Vatanni himoya qılıshga bo'lgan xohıshı, hayotda o'z o'rnını topıshgaıntılıshı ortmoqda.

**Toshkent harbiy okrugi
matbuot xizmati**

Kelajagimiz egalari

Qarshi harbiy prokuraturasi tomonidan shahardagi 1-sonli politexnikumda "Kasblar festivali" tashkil etildi.

Unda politexnikum jamoasi, umumta'lim maktablari o'quvchi-o'qituvchilari hamda harbiy xizmatchilarning oila a'zolari ishtirok etdi.

Tadbırda hunarmandchilik namunalari, innovatsion va kreativ g'oyalar asosida yasalgan qo'l mehnati buyumlari namoyish etıldı. Mutaxassislar tomonidan mavjud bo'sh ish o'rinlari, ishsizlarnı kasbga o'qıtısh bo'yicha bepul o'quv kursları haqıda ma'lumotlar berıldı.

Shunıngdek, Janubi-g'arbiy maxsus harbıy okrug qo'shinlari qo'mondonlıgı hamkorlıgıda "Jasorat maktabı" o'quv yig'ınına jalb etılğan yoshlar bilan uch avlod uchrashuvı o'tkazıldı.

Ochiq va samımiy ruhda kechğan muloqotda faxrıylar o'zlarınıng hayot yo'lı, ish tajribası va xızmat davomıdagi xotıraları bilan o'rtoqlashdı.

Adliya polkovnigi Shuhrat ZOIROV,
**Qarshi harbiy prokurorining
yordamchisi**

Sayyor qabul

Murojaatlar tinglandi

Yurtimizda aholining muammolarini joyda o'rganish, ularga tezkor va samarali yechim topish maqsadida olib borilayotgan sayyor qabullar so'nggi yillarda amaldagi islohotlarning muhim qismlaridan biriga aylandi.

Sayyor qabullar – fuqarolarnı tınglash, ularning dardını eshitish va eng muhımı amaliy yordam ko'rsatıshning samaralı mexanizmi hisoblanadı.

Xususan, Farg'ona harbıy prokuraturası tomonidan Sharqiy harbıy okrugdagi harbıy qısm va muassasalarda ommaviy sayyor qabullar o'tkazıb kelinmoqda.

Ularınıng navbatdagısı viloyatning olis tumanlaridan bıri Dang'arada tashkil etıldı. Unda tashkilot va idoralardan jalb etılğan mutaxassislar

ishtırokıda harbıy xızmatchılar, xodımlar va ularning oila a'zolari tınglandı.

Jarayonda murojaatlarnı joyıda hal etıshga alohıda e'tıbor qaratılıb, yechımı vaqt talab etadiganları nazoratga olındı.

**Adliya podpolkovnigi
Shukurjon TOSHMATOV,**
**Farg'ona harbiy prokurorining
katta yordamchisi**

Profilaktika

Korrupsiya — jamiyat tanasiidagi saraton

Toshkent harbiy prokuraturasi va harbiy sudi hamkorligida harbiy qismlarning birida korrupsiyaga qarshi kurashish doirasida profilaktik tadbir o'tkazildi.

"Korrupsiya – jamiyat tanasidagi saraton" mavzusida tashkil etilgan ushbu muloqotda korrupsiya holatlariga yo'l qo'ymaslik, bu illatga qarshi kurashish va huquqbuzarliklarning oldini olish haqida tushuntirishlar berildi.

Ta'kidlanganidek, shaxsning o'z mansab yoki xızmat mavqeıyidan o'z manfaatlarını yoxud o'zga shaxslarning manfaatlarını ko'zlab moddiy yoki nomoddiy naf olish maqsadida qonunga zıd ravıshda foydalanıshı, shunıngdek bunday nafni qonunga xılof ravıshda taqdim etısh korrupsiya hisoblanadı.

Shunday alomatlarğa ega bo'lgan, sodır etılğanlıgı uchun qonunchılıkda javobgarlık nazarda tutilğan qılmısh esa korrupsiyaga oid huquqbuzarlık bo'lib, bunday huquqbuzarlık sodır etganlarga nisbatan qonunda nazarda tutilğan jazo muqarrarlıgı ta'mınlanadı.

Jarayonda ishtırokchılar o'zlarını qızıqtırğan savollarga atrofılıcha javob oldı.

**Adliya podpolkovnigi
Alisher QURBONOV,**
**Toshkent harbiy prokurorining
yordamchisi**

Prokurorlik soati

Vatanparvarlik — ma'naviy qadriyat

Termiz harbiy prokuraturasi tomonidan Surxondaryo viloyati Sherobod tumanining olis chegaraoldi hududida joylashgan 57- va 69-umumta'lim maktablarida "Vatanparvarlik – ma'naviy qadriyat" mavzusida prokurorlik soati o'tkazildi.

Muloqotda vatanparvarlık, fidoyilik, sadoqat, kamtarlık va mehnatsevarlık tushunchalarınıng mohıyati yoshlarga yetkazıldı.

Ta'kidlanganidek, vatanparvarlık – ona Vatanga muhabbat va sadoqat bilan xızmat qılısh va bu yo'lda kuch-g'ayratını salohıyatını

baxshıda etısh, kerak bo'lsa, hech ikkilanmay, o'z jonını ham fido qılıshga tayyor turish demak.

Bu his insonıyat uchun asrlar davomıda sayqallanıb kelğan umuminsoniy tuyg'u, ma'naviy qadriyatlardan bıri hisoblanadı.

Bu ona Vatanimiz, xalqımız o'tmıshı va bugunı bilan

faxrlanish, taqdirıga daxldorlık hissi bilan yashash, kelajagi uchun qayg'urıshda namoyon bo'ladi.

Mashg'ulot qizg'in savol-javoblarga boy bo'ldi.

**Adliya mayori
Xurshid ESHONQULOV,**
**Termiz harbiy prokuraturasi
tergovchisi**

Xalqaro hamkorlik

Yaponiya

delegatsiyasining tashrifi



Yaponiyaning "Shimizu", "Emura" va "Watasei" korporatsiyalari hamda Yaponiya – Osiyo yoshlar almashinuvi assotsiatsiyasi rahbarlaridan iborat delegatsiya O'zbekiston Respublikasi mudofaaga ko'maklashuvchi "Vatanparvar" tashkiloti Toshkent shahri kengashi tasarrufidagi Chilonzor tumani o'quv sport-texnika klubida bo'ldi.



Uchrashuv mobaynida xorijlik mutaxassislar "Vatanparvar" tashkiloti o'quv muassasalarida turli toifalarda avtomototransport haydovchilarini tayyorlash jarayoni, mavjud moddiy-texnik baza, o'quv dasturlari va haydovchilik kasbini o'rgatishga qaratilgan innovatsion texnologiyalari bilan yaqindan tanishdi.

Shuningdek, mehmonlar tashkilotning poytaxtimizda joylashgan o'quv avtodromida bo'lib, u yerda yengil va yuk avtomobillari haydovchiligini o'rganayotgan fuqarolarning amaliy mashg'ulotlariga bevosita guvoh bo'ldi.

Delegatsiya a'zolari "Vatanparvar" tashkiloti markaziy kengashi raisi Husan Botirovga hozirda Yaponiyada asosan taksi, avtobus va trak haydovchilariga katta ehtiyoj sezilayotganini ta'kidladi.

Tadbir davomida kelgusida ikki tomonlama kelishuvga erishilsa, xorijda vaqtincha ishlash istagida bo'lgan o'zbekistonlik fuqarolar "Vatanparvar" tashkiloti o'quv muassasalarining avtomototransport vositalari haydovchilarini tayyorlash kurslarida o'qitilib, yapon diyoriga yuborilishi masalalari muhokama qilindi.

Hisobot



O'zbekiston Respublikasi mudofaasiga ko'maklashuvchi "Vatanparvar" tashkiloti markaziy kengashi kasaba uyushmasi qo'mitasining hisobot-saylov yig'ilishi o'tkazildi.

Kasaba uyushmasi

qo'mitasining yig'ilishi

Yig'ilishda qo'mita raisi Sobirjon Yusubjanov tashkilot markaziy kengashi kasaba uyushmasi qo'mitasi tomonidan 2020–2024-yillarda amalga oshirilgan ishlar to'g'risida hisobot berdi. Jumladan, yig'ilganlarga xodimlarning ijtimoiy-iqtisodiy huquq va manfaatlarini himoya qilish hamda xodimlar va ularning oila a'zolarini sog'lomlashtirish borasida amalga

oshirilgan ishlar, tashkilotda o'tkazilgan ma'naviy-ma'rifiy va sport tadbirlari to'g'risida axborot berildi.

Yig'ilish davomida "Vatanparvar" tashkiloti markaziy kengashi kasaba uyushmasi qo'mitasi raisi Sobirjon Yusubjanov bir ovozdan qayta saylandi. Shuningdek, qo'mita a'zolari va taftish komissiyasi saylanib, kelgusi 5 yillik vazifalar belgilab olindi.

Karting

Namanganlik sportchi

o'qishga imtihonsiz qabul qilinadi



Namangan viloyati Uchqo'rg'on tumanida O'zbekiston Respublikasi mudofaaga ko'maklashuvchi "Vatanparvar" tashkiloti tomonidan yoshlar o'rtasida sportning karting turi bo'yicha O'zbekiston chempionati o'tkazildi.

Respublikamizning turli hududlaridan qatnashgan 60 dan ortiq sportchi "Mikro", "KF-OK junior", "Super mini", "KF-OK" va "KZ" sinflari bo'yicha karting sport mashinalarida o'zaro bellashdi.

Qizg'in va murosasiz kechgan musobaqa quyidagi natijalar bilan yakunlandi:

"Mikro" sinfida:

1-o'rin: Kirill Shevsov (Toshkent shahri);

2-o'rin: Azizmurod Muhammadjonov (Namangan viloyati);

3-o'rin: Kirill Konyuxov (Toshkent shahri).

"KF-OK junior" sinfida:

1-o'rin: Amir Hamrayev (Toshkent shahri);

2-o'rin: Artyom Usheka (Toshkent viloyati);

3-o'rin: Arseniy Glova (Toshkent shahri).

"Super mini" sinfida:

1-o'rin: Matvey Mochalkin (Sirdaryo viloyati);

2-o'rin: Aleksandra Krilova (Toshkent shahri);

3-o'rin: Sabrina Kleyen (Namangan viloyati).



"KF-OK" sinfida:

1-o'rin: Salix Xayrullayev (Namangan viloyati);

2-o'rin: Ivan Barishev (Sirdaryo viloyati);

3-o'rin: Kamoliddin Najmiddinov (Toshkent shahri).

"KZ" sinfida:

1-o'rin: Ayder Haydarov (Toshkent viloyati);

2-o'rin: Sergey Bagdasarov (Sirdaryo viloyati);

3-o'rin: Farrux Muratov (Toshkent shahri).

Umumjamoa hisobida:

1-o'rin: Namangan viloyati;

2-o'rin: Sirdaryo viloyati;

3-o'rin: Toshkent shahri jamoalari.

Birinchi va yuqori o'rinlarni egallagan sportchilar "Vatanparvar" tashkilotining medal, diplom va esdalik sovg'alari bilan taqdirlandi.

E'tiborlisi, namanganlik sportchi Salix Xayrullayev alohida namuna ko'rsatib, tegishli oliy ta'lim muassasalariga test sinovlarsiz va qo'shimcha imtihonlarsiz qabul qilinish imkoniyatini qo'lga kiritdi.

GʻOLIBLAR SAFIDA



A group of five people, three men and two women, are standing outdoors in front of a building with large windows. They are all looking at a white document held by one of the men. The man holding the document is wearing a dark purple shirt. The woman on the far left is wearing a blue jacket. The man on the far right is wearing a black jacket. The other two men are wearing a dark green jacket and a white shirt, respectively. They appear to be in a professional or official setting.

Bundan tashqari, O'zbekiston Respublikasi mudofaasiga ko'maklashuvchi "Vatanparvar" tashkiloti markaziy kengashi raisining kubogi uchun tashkil etilayotgan

Shuningdek, yoshlarni ona Vatanga sadoqatli farzandlar sifatida tarbiyalash borasida viloyat mudofaa ishlari, maktab va maktabgacha ta'lim boshqarmalari, Milliy gvardiya harbiy xizmatchilari, Yoshlar ishlari agentligi va keng jamoatchilik vakillari bilan hamkorlikda belgilangan reja asosida tadbirlar olib borilmoqda. Bunda yoshlar o'rtasida turli ko'rik-tanlovlar va sport musobaqalari tashkil etilmoqda.

Akbar ALLAMURODOV



Askarlikning ilk onlari

VATAN HIMOYASI — MUQADDAS BURCH

Harbiy xizmat har bir er kishining muqaddas burchi bo'libgina qolmay, sharaflı vazifasi ham sanaladi. Shu bois azaldan askar bo'lib qaytgan yigitlarga jamiyatda, oilada, mahalla-ko'yda o'zgacha havas bilan qaralgan, ularga bo'lgan ishonch va hurmat doim yuqori bo'lgan.



Joriy yil muddatli harbiy xizmatni Nukus garnizonidagi harbiy qismlarda o'tash uchun chaqirilgan yurtimizning eng sara yoshlari dastlabki harbiy saboqlarni o'rganmoqda. Qat'iy rejalashtirilgan kun tartibi, ichki tartib-intizom yigitlarning axloqiy-ruhiy holatini so'ndirmay, aksincha harbiy hayotga tez va oson moslashishiga zamin yaratyapti. Buning uchun harbiy qismda barcha zarur shart-sharoitlar yaratilgan. Jumladan, askarlar yotoqxonalari, mashg'ulot va dam olish xonalari, kutubxona, oshxona hamda sport majmuasida o'g'lonlar ilk harbiy saboqlarni o'rganib, har tomonlama chiniqmoqda.

Fuqarolik hayotidan bu yerdagi muhitga tez va oson moslashishi, mustahkam harbiy intizomga ko'nikishi uchun yoshlarga tajribali, malakali ofitser va serjantlar biriktirilib, har bir chaqiriluvchi bilan yakka hamda jamoaviy tarzda tarbiyaviy ishlar olib borilmoqda.

Jangovar qurol-aslahalarning tuzilishi, ulardan foydalanish tartibi, texnika xavfsizligi talablariga rioya etish va boshqa har bir askar bilishi kerak bo'lgan bilimlar bosqichma-bosqich berilmoqda.



"Tushuntirish, ko'rsatish va mashq qilish" tamoyili asosida o'tilayotgan jangovar tayyorgarlik mashg'ulotlari hech bir yigitni bee'tibor qoldirmay, aksincha ularning qiziqishini orttiriyapti. O'g'lonlar kompyuterlashtirilgan panoramali trenajyorlardan keng foydalanib, merganlik mahorati va qurollardan foydalanish ko'nikmalarini mustahkamlamoqda.

Yigitlarning axloqiy-ruhiy holatini yaxshilash, ayniqsa xizmatga moslashishi

uchun ular bilan harbiy psixologlar tomonidan psixologik treninglar tashkil etilmoqda. Bu esa azamatlarning o'ziga bo'lgan ishonchini yanada oshirmoqda.

Askarlarning bo'sh vaqtini maroqli va mazmunli tashkil etish, madaniy hordiq olishlarini ta'minlash uchun vatanparvarlik ruhidagi milliy kino namoyishi, konsert dasturlari, uchrashuvlar hamda davra suhbatlari tashkillashtirilmoqda. Dam olish tadbirlari ham yigitlarning psixologiyasi, ularning axloqiy-ruhiy holatiga ijobiy ta'sir o'tkazishi bilan ahamiyatlidir. Chaqiriluvchilar orasida san'atga, ijodga qiziqishi yuqori bo'lganlar orasidan harbiy qismdagi ijodiy guruh shakllantirilib, ularning faoliyati yo'lga qo'yilmoqda.

Elektron va badiiy kitoblar fondiga boy kutubxona muddatli harbiy xizmatchilarni ma'rifat yo'lga chorlab, ularga kitobxonlik madaniyatini o'rgatmoqda.

Bir so'z bilan aytganda milliy armiyamiz saflariga endigina kirib kelgan yoshlarning harbiy hayotga oson ko'nikishi, xizmat mashaqqatlarini yengib o'tishi, eng asosiysi, Vatan himoyachisi bo'lib yetishishi uchun Shimoli-g'arbiy harbiy okrug qo'shinlari qo'mondonligi tomonidan barcha amaliy chora-tadbirlar ko'rilgan.

Kichik serjant
Abdullajon UMARALIYEV
Shimoli-g'arbiy harbiy okrug
matbuot xizmati



**Diqqat,
tanlov!**

“JADIDLARNING MA’NAVİY

QAHRAMONLIGI”



Jadidchilik Turkiston milliy-ozodlik harakatining mafkurasi, o'lk xalqlarining mustaqillik va ma'rifatparvarlik g'oyasi sifatida shakllanib, jadidlar millatni zamonaviy taraqqiyot yo'liga olib chiqish, milliy davlat bunyod etish, zamonaviy idora usulidagi ozod va farovon jamiyat qurishni maqsad qilgan edi. Bugungi kunda O'zbekiston taraqqiyotining yangi bosqichida jadidlar, xususan milliy-ozodlik harakatining buyuk namoyandasi Mahmudxo'ja Behbudiyning g'oyalari asosida milliy o'zlikni anglash, Vatanimizning qadimiy va boy tarixini o'rganish orqali fuqarolar, qolaversa harbiy xizmatchilarda milliy ruhni, vatanparvarlik tuyg'usini kuchaytirishni davr talab qilmoqda.

O'zbekiston Respublikasi Prezidentining 2024-yil 27-dekabrda "Turkiston jadidchilik harakatining asoschisi, atoqli adib va jamoat arbobi, noshir va pedagog Mahmudxo'ja Behbudiy tavalludining 150 yilligini keng nishonlash to'g'risida"gi qarori ijrosi asosida O'zbekiston Respublikasi Mudofaa vazirligi Axborot va ommaviy kommunikatsiyalar departamenti "Vatanparvar" birlashgan tahririyati olimlar, yozuvchi va professional ijodkorlar, jurnalistlar, harbiy xizmatchilar, respublika oliy va oliy harbiy ta'lim muassasalari mutaxassislari, tadqiqotchilar hamda nashrlarimiz o'quvchilari o'rtasida ma'rifatparvar bobolarimizning hurriyatga erishish yo'lidagi ibratli hayotini targ'ib qilish, g'oyalarini harbiy xizmatchilar, ularning oila a'zolari, yoshlar ongiga singdirish, adabiy-estetik tafakkurini shakllantirish, ularda milliy ruh, g'urur va iftixor tuyg'ularini kuchaytirish, yangi marralar sari undash maqsadida "Jadidlarning ma'naviy qahramonligi" deb nomlangan tanlovni e'lon qiladi.

TANLOV SHARTLARI

Taqdim etilgan ijodiy ishlar – maqola, ocherk, esse va boshqa badiiy ijod namunalari 2025-yilning 10-apreldan 2025-yilning 10-avgustigacha (Word shaklida, 14 shriftida, kirill yoki lotin alifbosida) "Vatanparvar" birlashgan tahririyatiga yuborilishi lozim.

MANZIL:

100095, Toshkent shahri, Olmazor tumani, Sag'bon ko'chasi, 382-uy; elektron manzil: @vatanparvargazetasi_bot yoki (90) 968-62-08 telegram orqali.

Quyidagi hujjatlar ilova qilinishi lozim:

- muallif pasporti (shaxsini tasdiqlovchi hujjat) nusxasi;
- muallifning manzili va bog'lanish telefonlari;
- muallifning xizmat (ish) joyi.

Murojaat uchun telefonlar:

(55) 511-25-91; (55) 511-25-82.

Eng sara ijodiy ishlar "Vatanparvar" gazetasi sahifalarida "Jadidlarning ma'naviy qahramonligi" tanlovi rukni ostida chop etiladi.

G'OLIBLARNI MUKOFOTLASH

Tanlov g'oliblari quyidagi mukofotlar bilan taqdirlanadi:

- 1-o'rin (1 ta) – bazaviy hisoblash miqdorining 20 (yigirma) barobari, diplom;
- 2-o'rin (1 ta) – bazaviy hisoblash miqdorining 15 (o'n besh) barobari, diplom;
- 3-o'rin (2 ta) – bazaviy hisoblash miqdorining 10 (o'n) barobari, diplom.

Rag'batlantiruvchi mukofot:

- 3 ta – bazaviy hisoblash miqdorining 8 (sakkiz) barobari, diplom.

Natijalar "Vatanparvar" gazetasi, mudofaa.uz sayti hamda ijtimoiy tarmoqlarda e'lon qilinadi.

G'olib va sovrindorlarga mukofotlar 2025-yilning 30-avgustiga qadar tantanali ravishda topshiriladi.

"Vatanparvar" birlashgan tahririyati

@Vatanparvargazetasi_bot
"Vatanparvar" birlashgan tahririyati
bilan bog'lanish uchun telegram bot



BIZ HAQIMIZDA

VATANPARVAR



MUASSIS
O'ZBEKISTON
RESPUBLIKASI
MUDOFAA
VAZIRLIGI

www.mudofaa.uz

Tahririyat kengashi:
general-mayor Hamdam Qarshiyev
polkovnik Otabek Yuldashev
Maqsud Abilov

Tahririyatga kelgan qo'lyozmalar taqriz qilinmaydi va mualliflarga qaytarilmaydi. Mualliflar fikri tahririyat nuqtayi nazaridan farqlanishi mumkin. Gazeta Mudofaa vazirligi Axborot va ommaviy kommunikatsiyalar departamenti – "Vatanparvar" birlashgan tahririyatining kompyuter markazida sahifalandi.

Bosh muharrir:
podpolkovnik Ahror Ochilov

ISSN 2010-5541

Gazeta O'zbekiston Matbuot va axborot agentligida 2008-yil 6-iyunda 0535 raqami bilan ro'yxatga olingan.

Telefonlar:
kotibiyat: 55 511-25-90
buxgalteriya: 55 511-25-76
yuridik bo'lim: 55 511-25-72

Navbatchi: kapitan Shohrux Saidov
Sahifalovchi: Begali Eshonqulov
Musahhih: Zebo Sariyeva

Buyurtma: V-5933
Hajmi: 6 bosma taboq
Bichimi: A3
Adadi: 33 376 nusxa
Bosishga topshirish vaqti: 14:00
Topshirildi: 14:30

Gazetaning yetkazib berilishi uchun obunani rasmiylashtirgan tashkilot javobgar. Gazetaning poligrafik jihatdan sifatli chop etilishiga "O'zbekiston" NMIU mas'ul.

Gazeta juma kuni chiqadi. Gazeta 1992-yilning 24-iyunidan chiqq boshlagan.

Nashr ko'rsatkichi: 114.
Bahosi: kelishilgan narxda.

"O'zbekiston" nashriyot-matbaa ijodiy uyi bosmaxonasida chop etildi. Bosmaxona manzili: Toshkent shahri, Alisher Navoiy ko'chasi, 30-uy.

1 2 3 4 5 6

Manzilimiz: 100095, Toshkent shahri, Olmazor tumani, Sag'bon ko'chasi, 382-uy.



t.me/mv_vatanparvar_uz
t.me/mudofaavazirligi



www.mv-vatanparvar.uz
vatanparvar-bt@uamail.uz



mudofaavazirligi



mudofaavazirligi



www.youtube.com/c/UzArmiya